

**THEOLOGICARUM
QUAESTIONUM, AC
TRACTATIONUM
OMNIUM HUCUSQUÈ
À DOMINICO...**

Domenico Toschi



TRACTATUS

DE

NATURALI HUMANA FORMALITATE NOSTRA,

Deq; internis principijs, & virtutibus intellectuæ substantiæ nostræ, & primò de eius potentia, potentiæque libertate, ac de ea, quam in natura à Deo sortita fuit harmonica concordia.

Numero Secundus.

Ex eiusdem lucubrationibus

DOMINICI TVSCHI CIVIS REGIENSIS.

*Censura Sacrosancta M. Ecclesia humillimè oblatas, & subiectas,
ut eius illustratus lumine sanctissima consecratur veritati
ad Dei Trinitatis gloriam. Amen.*



BONONIÆ M.DC.LXIV.

Ex Typographia Ferroniana.

Superiorum permisso.

STATISTICS

ANNUAL REPORT

OF THE

COMMISSIONER OF THE

LAND OFFICE

FOR THE YEAR

1897

AND

THE

LANDS

UNDER

THE

ACT

OF

1892

AND


THE



Expleto Tractatu de nouo homine nostro, sub cuius explicatione formalitatis (quantum diuinæ placuit liberalitati, nostriq; permisit exiguitas ingenij) nostræ in Deum conati fuimus adumbrationem delineare filiationis, illamque nostræ representare menti, vt ex illius inspectione ipsius amatores facti formæ, nostras in Deum semper elcuiatas haberemus mentes, vt non in terris, sed in cœlis nostræ semper esset conuersatio, ad quam *Apost. & ad Philip. c. 3. nu. 20. & ad Coloss. c. 3. nu. 1. 2. & 3.* nos monet dicens: *Si cum Christo consurrexistis, quæ sursum sunt querite, vbi Christus in dextera Dei sedens est, quæ sursum sunt sapite, non quæ sunt super terram, mortui enim estis mundo, & vita vestra abscondita est cum Christo in Deo, vt cum Christus, vita vestra apparuerit, tunc & vos apparebitis cum ipso in gloria, ad quam nos omnes aspiremus, oportet.* Reliquum est modo, vt naturalis humanæ nostræ delineamenta formalitatis eadem curemus diuina effingere donatione, vt quod verè natura sumus, attentius contemplantes rectè iuxta nostræ præexcellentiæ formæ semper magis operari contendamus, vt nostræ à Deo nobis donatum inuiolatum seruemus naturæ principatum, non ignorantes, quod sicut *Angelos eos, qui suum non retinuerunt principatum in iudicium magni*

⁴
dei. vinculis æternis sub caligine cruciandos reseruauit Deus.
Iud. sua vnica nu. 6. ingrato sic faciet homini sua sancta
contemnenti dona, Pet. 2. c. 2. nu. 9. quæ enim maior in-
gratitudo inueniri potest, quam liberalissimi dona proijce-
re largitoris? Portentum enim in natura monstruosum est,
quod humana species nostra, quæ vnica hac rationis dif-
ferentia à reliquis distinguitur, ac separatur animantium
speciebus, ac cuius virtute in sui constabilitur, & conserua-
tur principatus throno, eam quandoq, sic neglectè despi-
ciat, vt in fundum se voluntariè demergat irrationalitatis,
id vtique non ex alio euenire posse credendum est, quam
quia, quam capit, pretiosam non putat habere animam,
sed iumento se similem esse credens, veram propter hoc
libertatem in miserrimam commutat seruitutem, ex quo
in tot, tantaq; se proijcit errata, vt impossibile esse
videatur, quod in participem rationis talia ca-
dere queant, cuius causam in medium
afferre pro posse curabimus Deo
hoc nobis donante.





DE POTENTIA,

Potentiaque intellectus nostri libertate.

Caput Primum.



Offer quod vivat intellectus sapiens nullus dubitavit unquam, de eo igitur acturi, primò, quid ipsius sit viuentis potentia præmittamus, oportet, quæ esse dicitur, & est verè interna substantiæ viuentis vis, & facultas agendi secundum substantiæ illius formalitatem, cuius illa dicitur esse potentia, actusque illius principium, atq; in eadem à natura ingenta substantia interna inuisibilis operandi virtus, & causa, à cuius quidditate, qualitate, & nomine, eius, in qua inest, veniamur substantiæ quidditatem, qualitatem, & nomen.

Nostræ igitur animæ intellectiæ potentia est vis, & facultas, seu virtus in dictæ intellectiæ animæ substantia a Deo ingenta per se liberè agendi quidquid sibi magis placet; Verè autem ut libera sit, & liberam agendi facultatem habeat, non coactè, sed suapte natura liberè quidquid sibi magis placet, agere possit, necesse est: liberè autem agere ut possit, voluntariè, hoc est ex libero suo id possit arbitrio, opus est, voluntariè verò ut possit, quod velit, intelligat oportet, quia ad id, quod ignoramus, nostra non fertur voluntas. Sui igitur libertate cum ad agendum noster se ipsum per se mouere, & excitare valeat intellectus, & re vera, si vult, se moueat, & excitet; hoc ut liberè agat, ad intelligendum se ipsum mouere, & excitare velit, oportet: hoc autem ut velit, hoc se velle intelligat; necesse est, alias, si id agere velle non intelligeret, quod nos ipsum, ut agat, aggredientem ipso supponimus factò, non liberè per se ad agendum se moueret, sed inscius in brutorum morem ad agendum ab ipsa moueretur natura, & sic in ipsis primis naturæ principiis, ab eorum agendi non distaret principio, quod ipsa est appetitio pura. Pura ergo intellectiua potentia ipsa, pura voluntaria potentia in ipsa non est prior, vel posterior intellectus substantia, neq; è contra, sed utraq; simul una est tantum voluntaria intelle-

telle&tiua, & intelle&tiua voluntaria potentia, seu vnus duplex vnitas potentia virtus.

Indiuisa autem voluntariae partis potentiae huius, seu internae mutuae virtutis illius internum notum principium, principium naturale lumen, ac index desiderium est illud sciendi in humana à Deo ingenitum mente, quo per se libens quisque ad sciendum se mouere potest, ac, si vult, re ipsa se verè monet, excitat, idque agit.

Indiuisae verò intelle&tiuae partis, seu internae mutuae virtutis potentiae huius internum nobis notum principium, seu principij naturale lumen, & index ipsa est ingeniti desiderij huius, ac virtutis illius in nostra insita mente cum eodem simul congenita desiderio naturalis notio, qua sic, vt supra, & illa nostrae esse insita menti, & pro nostro ijs posse vti scimus libito, ac re, vt vtamur, scienter aggredimur, vt reciproca hac liberae huius virtute potentiae possumus simul & velle scire: & scire velle, vt volentes scire, nostra verè esset voluntaria scientia: scientes verò velle, nostra verè secundum rectam scientiae rationem esset recta voluntas, vt coniunctim volentes, & scientes: scientes, & volentes nostri liberè rectè, & recta nostri liberè vteremur simultanea libera, & recta: recta, & libera intelle&tus facultate, quae utique si non huiusmodi esset libera simul, & recta vndequaque, vt eam fecit Deus, esse non posset. *Ecclesiæ. 7. nu. 30. Ecclesiæ. 15. nu. 14. & 17. Sap. 6. nu. 11. Apost. ad Philip. 3. nu. 16.* in hunc sic à Deo congenita finem, vt ea liberè, & rectè: rectè, & liberè vtentes, rectè quoque, & liberè: liberè, & rectè viueremus, & ageremus, sic viuentes, & agentes super omnes inferioris speciei animantium gradus solidum inuiolatè, & inuiolatum solidè nostrae seruaremus naturae principatum à Deo nobis donatum, & commendatum, *Gen. 1. nu. 26. & 28. Iud. eius vnica, nu. 6. Ecclesiæ. 14. num. 21. & 33. nu. 23.* quem sic seruare, est illis rectè, & liberè dominari, quale rectum, & liberum decet, ac debet esse dominium, quibus vt omnibus dominemur, ac cum veritate dominati fuisse, & esse dicamur, nostrae quoque dominemur, ac dominati simus carni, necesse est, quia re vera est & illa ex eodem animalitatis genere, cui à Deo dominari iussi sumus, *Gen. 1. nu. 7. Ecclesiæ. 18. nu. 31. Io. 1. nu. 34. Pet. 2. c. 2. nu. 19. Apost. ad Rom. 1. nu. 16. & 7. nu. 23.* Ex certa ergo scientia à libera nostra excitata voluntate, & ex libera voluntate à recta mentis regulata, & determinata lege, & scientia secundum ordinem nobis à Deo in natura dispositum, & constitutum nostrae errores reprobantes carnis, peruia, ac recta sectantes, & eligentes mentis, Deo nos immaculatos exhibere pos-

re possumus, pro ut verè nos exhibere debemus. *Prou.c.4.num.25. & seq.c.3.num.22. Eccl.c.31.num.10.d.c.33.num.23.c.35.num.5. Apost. ad Rom.c.6.num.12. & 13.c.13.num.14.c.7.num.25. ad Eph.c.p.n.4.c.2.num.10.* Huiusmodi verò nos exhibentes in verbo Domini tot velut Dij in facto nostro dicimur esse beati. *Eccl.d.c.31.num.10.c.14.num.21.c.18.num.31. Psal.18.num.14.P.81.num.6. Psal.96.num.10. Prou.c.10.num.16. & 17.c.11.num.5. Amos c.5.num.15. Apost. ad Rom. supradictis in locis, & cap.12.num.1. & 9. Iac.c.1.num.25. Io.1.c.3.num.7.* Huiusmodi autem intellectuua potentia cum sit verè, vt iam dictum est, in semet ipsa voluntaria, voluntarièq; ad intelligendum se ipsam mouere valeat, ac re vera, si velit, se moueat: sic autem se mouens, si pariter velit, re vera intelligere valeat, ac re ipsa volens intelligat, propterea, *Eccl.c.6.num.34.* scriptum est: *Quod, scire qui voluerit, sapiens erit*, ideò scire volenti difficile nihil dicitur esse. Ad intelligendum propterea qui re non se excitauerit, ab eo se abstinuisse voluntariè dicatur, ac re verè se abstinuerit, voluntariè verò se abstinens, ab ignorantia se cum veritate excusare non potest, nobis propterea peccato ipsa imputatur ignorantia, quia verè ignorare voluntariè volumus, ignorare autem volentes peccamus, *Num.c.15 num.27. & 28. Luc.c.12.num.47. & 48. Ose.c.4.num.14. in fine*, ibi, quia *populus non intelligens vapulabit*, nam cum per ipsam exultationem formalitatis intellectus, ad quam volens se euehere potuisset: euehens autem etiam intelligere potuisset benè agere, quod non faciens dicitur etiam noluisse intelligere, vt benè ageret, quod nolens, etsi non spontè, *Num. d.c.15. num.25.* in necessariam tamen consequentiam quamdam benè agere noluisse dicitur, quia *benè agere, noluit intelligere*, *Psal.35.num.4.* hoc propterea ei ad iniquitatem imputatur, quia causa causæ est etiam causa causati: Ad nostram propterea eruditionem *Psal.13.num.2. & Psal.53.num.3.* introducit Deus de cœlo suo sancto prospicere super filios hominum, vt videret, si vllus esset intelligens (& consequenter requirens Deum, quia sapientia Diuina stat in medio semitarum iudicii), vt thesauros intellectus nostri repleat diuitijs suis, quæ sunt *scientia, & intellectus iustitie*, *Prou.c.8.num.20. & 21. & Eccl.c.4. num.21.* videns autem, quod nullus hoc faceret, dixit: Quod propter hoc omnes erant facti inutiles, quia cum Deus intellectum pro nostra essendi, & agendi nobis dedisset forma, per quam illi *seruire valemus, ac re ipsa seruimus*, *Apost. ad Rom.c.7.num.25.* ea re non vtentes verè facti dicimur esse inutiles, ac velut intellectum nō habentes, nam, si vnumquodque formandum, suum vt in esse formale constitutatur, ac in eo con-

seruetur, suæ sumat, & conseruet actum formalitatis, necesse est, alias secundum intentionem formantis inutile, & pro non formato reputandum est, quia, cum nil aliud sit formalitas, quam actus emanatio à propria potentia ad agendum se mouente, quo vel non adepto, vel dimisso inutiliter iaceat, & pro non formato habeatur, consequens est. Propterea *Psal. 48. nu. 13. & 21.* dicitur. *Quod homo, magno cum in honore à Deo per infusionem intellectus constitutus esset, ut videlicet, si vellet, actualiter intelligere posset, hoc non faciens comparatus erat iumentis insipientibus, & similis factus illis*, nam hac sola si à cæteris animantibus distantes sumus differentia, ut intelligamus, quod agimus, ea consequenter de medio sublata ijs similes efficiamur, dicat ratio, quæ distinctionalis differentia cum à libera nostra verè procedat, & pendeat voluntate, hinc est, quod voluntariè nosmet homines exhibemus, & volentes verè huiusmodi sumus, quia nostrum etiam essendi, & agendi principium est liberum quoque, idèò, si intelligere, & nosmet actibus intellectus homines demonstrare volumus, verè possumus, si minus autem, bestiis nos similes esse demonstramus, à quo ut caueremus nos monitos esse volens Dominus, ait: *Nolite fieri sicut equus, & mulus, quibus non est intellectus, Psal. 31. nu. 9.* non quod intellectiua re priuemur potentia, ut realiter sunt equi, & muli, sed quia, puram qui retinet intellectiuam potentiam absq; illius vsu, idèst actu non intelligentem, sine intellectu rectè dicitur esse, nam cum intellectus ab intelligendo fuerit appellatus, qui non intelligens est, eo rectè carere dicitur, Domino id affirmante *Mat. c. 15. n. 16.* Hæc tamen hic obiter dicta sint ad hoc tantummodo demonstrandum, quod huiusmodi intellectiua potentia, sicut ex eius libera voluntate ad intelligendum se ipsam mouet, sic ex eius libera intellectiōem ex se producit voluntate, propter hoc omnes, scire qui volunt, non impediti scire possunt, *Iob. c. 12. nu. 2. c. 13. nu. 1. & 2. Dan. c. 2. nu. 30. Eccl. d. c. 6. nu. 34.*

Ità scita, & intellecta ex eius libera sic, ut supra, retinent voluntate, quorum retentio declarata, ut infra, dicitur memoria. Intellectuorum ergo omnium agendorum potentia sic, ut supra, ipsa dicitur esse libertas, quæ coniunctim intellectiua, & voluntaria est; voluntaria, & intellectiua: voluntaria quidem, quia, in quam vult, potest inclinare partem: intellectiua autem, quia nequidquam, nisi cum ratione, desiderat, quæ verò aduersus auentur rationem appetitioni potius, quàm voluntati ascribenda sunt; Potest ergo se libere ad intelligendum excitare, & non excitare: inceptam intellectiōem perficere, & non perficere: perfectam

retine.

retinere, & nō retinere; posteriora tamen secundū naturā quidem sunt intellectus, priora verō ipsi magis se appetitioni approximari vidētur, ideo, ad intelligendum qui se excitare non volunt, similes bestiis se in facto suo effecisse dicuntur, quia sicut illæ natura non valentes non intelligunt, sic isti natura valentes quidem intelligere, & intelligere nolentes non intelligunt, ambo ergo non intelligentes eodem similes efficiuntur facto d. *Psal.* 31. nu. 9. *Bar.* c. 6, nu. 4.

Nam, si omnis homo natura scire desiderat, scire quomodo desiderare posset, si voluntas, cuius partus est ipsum desiderium ad intelligendum desiderio ipsum non excitaret intellectum? nostram propterea nobis exprobrans Deus ignorantæ culpam. *Psal.* 35. nu. 4. ait: *intelligere noluerunt, ut bene agerent*: Si ergo nolentes non intelligimus: è conuerso volentes intelligamus, consequens est: Esti peccatum, non est peccatum, nisi voluntarium. *Io.* c. 9. num. 41. quomodo nobis in peccatum ipsa imputaretur ignorantia, nisi voluntaria effet? *Leu.* c. 4. nu. 2. 3. c. 5. nu. 15. 17. 18. & 19. Num. c. 15. nu. 27. & 28. *Apost. p. ad Tim.* c. 1. nu. 13. Ecce ergo, quod principium intellectus ipsa est voluntas, vice sic versa, si voluntatis nostræ ipsa est electio, & electio est optimi, quomodo, quod optimum est, ipsa arbitrando eligeret voluntas, nisi prius iudicatione, quæ ipsius intellectus est partus, quid optimum esset, cognouisset: ecce ergo, quod voluntas, & intellectus: intellectus, & voluntas sunt sibi inuicem principium volendi, & intelligendi: intelligendi, & volendi, se se ergo mutuo excitantes alter alterius internam vicem subit principij, ac naturalis causæ, quia, ut dictum fuit, vna est tantum voluntaria, & intellectiua: intellectiua, & voluntaria potentia, seu vnius duplex vnita potentæ virtus. Sic & non aliter est & ipsa memoria, cum mutua sit actualis intellectiōis rerum intellectibilium in ipso intellectu, atq; ipsius intellectus in ipsa intellectibilium rerum intellectiōe perpetua permansio, permansioq; ipsius sit voluntatis actus, quomodo .n. actu simul permanerent, nisi sic ipsa voluntas permanere voluisset, & vellet *Deut.* c. 4. num. 23. c. 6. num. 7. 8. & 13. c. 11. num. 18. & 26. hinc manifestè patet, quod hæc mutuo, ac in inuicem vndequaq; se se natura complectuntur, complectentia autem, & si inter se se distinguantur, vnum tamen sunt substantia tantum, quæ omnia vno nomine mens appellantur.

RECEIPIUNTUR IN BIBLIOTHECA

De harmonica intellectus nostri consonantia.

Cap. II.

INtellectus noster licet substantia verè sit vnus tantum, ac indiuisibilis, mutuis tamen, ac correspondens relationibus ab internis resultantibus processionibus ex vna in aliam eius naturali median te motu ex se ordinatè procedentibus, cognitione quidem inter se distinctis, re autem non separatis, inuicem sed cōnexis, ac mutuò se completentibus triplex dici potest, quarum ordine prior, sui quæ in se ipsa est & essendi, & agendi potentia, aliarumque principium, & origo, ac quarum respectu ab agendo agens dicitur intellectus, qui circa res, seu quæstiones suo oblatas, vel propositas obiectui per se se ipsum ad intelligendum mouens actus ex se excitat, ac producit intellectiuos, quibus tanquam medijs oblatas sibi, seu propositas examinat, ac ventilat res, quæstiones sue, à quibus huiusmodi ventilatione interiectam omnem reijciens nugationis sordem earum denudatas elicit veritates, quas in proprio substantiæ impressas viscere, tanquam in earum naturali per se subsistenti insitas subiecto retinens, memoriæ ingignit, sic autem genita eiusdem & ipsa sit, cuius est ille substantiæ, ac vitæ, consequens est, quoniam huiusmodi veritates, quatenus intellectæ in illius ingestæ, ac impressæ viscere in seipso vniuersè animato, & animante, in illo indiuisæ sic illius effectæ animatæ visceris partes, eiusdem, cuius est ille, sint & ipsæ substantiæ, & vitæ, necesse est. Memoriæ ergo si esse est in intellectu, in proprio tanquam, ac naturali subsistenti inesse subiecto, ab eoque naturali, ac propria in se sic esse retenta virtute, eius per consequens substantia mutua sit alterius in altero permanensio, necesse est, cuius permanensiois forma ipsa cum sit sic mutuò permanentium vnitas, hinc etiam est, quod huiusmodi soluta vnitate, illius tanquam solutæ forma, ipsa quoque veritatum illarum deficiat memoria, consequens sit, quoniam re extra intellectum verè non datur, neque inuenitur memoria, quia propria, & naturalis intellectus substantia, naturalis, ac propria est ipsius memoriæ substantia. Quousque ergo mutuò simul permanent, eousque memoria durat, illa verò ab intellectu, à proprio tanquam subiecto, in quo veluti imago impressa, & insculpta manebat, abrasa, ac deleta, vel ab ea eius se subtrahente subiecto illa euanescat, consequens est, quia extra subiectum, in quo illa eius subsistentiam, & esse habet, sit, impossibile est, quod tamen intelligendum est respectu veritatum,

ac

ac rerum illarum dumtaxat, quæ ab intellectu se sic, vt supra, auferuntur, vel delentur, non autem quod memoria in totum pereat respectu vniuersorum, quia quousq; intellectus agit, alicuius rei, vel saltem illius, circa quam de præsentia agit, supersit memoria, oportet, non tamen per hoc asserere intendimus, quod agentis intellectus actus ipsa verè sit memoria, sed quod ferè impossibile sit, vt post huiusmodi actum cognitz quoq; aliquantisper non perseveret recordatio rei, quæ recordationis perseverantia ipsi ascribitur memoriæ. Actus enim intellectivus, quatenus ad ipsam in ordine actualiter formandâ consideratur intellectio-nem, seu intelligentiam, internus est ipsius intellectus discursus inter semet mutuo duorum velut de re sibi ipsis proposita inuicem disputantium in hunc præcisè habitus finem, vt eiusmodi disputationis medio è tenebris ad lumen discussa deducatur res: deducta autem ipsi, prout in ipsa re vera illa extat natura, reuelata maneat intellectui, *Eccles. c. 2. nu. 15. Job c. 20. nu. 3. Apost. ad Eph. c. 5. nu. 19.*

Nā actus huiusmodi in sui est substantia re vera lumen ab ipso agente excitatum intellectu, quod in oblatam, seu propositam percutere incipiens rem, eam sigillatim eius illustratione detegendo vadit, donec tota plenè illuminata integrè, in ipsa prout re vera extat natura sibi manifesta fiat; manifestata autem, eius & ipsa lumine fit lumen eius, *Apost. ad Eph. c. 5. n. 13.* eius ergo quatenus lumine manifestata manet indiuersa re vera illius est pars luminis illuminatis illâ, ab eius ideò lumine sic effecta lumē, eius re vera de lumine est lumen eius. Intellectio sic re iam in esse formata, quam & intelligentiam appellamus naturalium est effigies rerum, alioquā nomine illarum dicemus esse veritatem ab intellectu agente per suimet naturalem intelligendi actum in propria in semet ipso conuersa luminis substantia, in quam in proprio ex se in eam re-percutiente lumine, & ab ea in se rursus reflectente, velut in speculum ex sui in se ipso irradiatione luminis effectum, & formatum conspiciens se ipsum sic, vt supra, suo ex actu eandem illuminatē in se veritatem, suo ac lumine eam in sui in se conuertentem luminis lumen conspiciat, & videt, eiusmodi autem conspectio, & visio propria, & naturalis ipsius est intellectus vita. Nam sicut viuētis vita, nil aliud est, ipse quam absolutus, & perfectus viuendi actus, quem ipsum viuere appellamus: intellectio sic, seu intelligentia ipsius cum sit absolutus, & perfectus intelligendi actus, quem ipsum intelligere appellamus, ipsius propria, & naturalis sit intellectus vita, consequens est, propterea scriptum est: *Da mihi Domine actu intellectum, & vitam, Psal. 118. nu. 125. 130. & 144.*

Memoria verò earundem viventis est veritatum imaginis rerum sic, vt supra, ab intellectu perceptarum, ac in eius conuersarum lumen perennis in illo permanſio, earum ab eo dilectione, eiufmodi tâquam permanſionis glutino in ſui ipſius infixæ, ſeu conglutinata, & retenta ſubſtantia, retentionis, cuius perennitas, & conſeruatio eiufdem eſt intellectiue perennitas, & conſeruatio vitæ, *Deut. c. 6. nu. 8. Sap. c. 6. nu. 12. 13. 18. & 19. Iof. c. p. nu. 7. & 8. Pron. c. 4. nu. 13. 22. c. 16. nu. 22.*

Verum licet animæ intellectiue potentia in ſe ipſa natura viuens ſit, & immortalis, prout eſt verè, *Sap. c. 2. nu. 21. 22. & 23.* illa tamen cum libera ſit, vt iam dictum eſt, vt ita ſit non ex neceſſitate, ſed ex ſpontanea ſua agat voluntate, nec eſſe eſt, hinc eſt, quod dilectio, ſeu illius voluntarium ſciendi deſiderium, illius quoque ſit voluntarium vitæ motus principium, & cauſa, quo ſe ipſam videlicet ad agendum voluntariè mouet, *Sap. d. c. 6. nu. 12. 13. 18. & 19. Dan. c. 9. nu. 23.* ſic & ipſa dilectio intelligentiæ, intellectiuam quam diximus eſſe vitam, ipſius quoq; perſiciendæ intellectiue, ac in eſſe formali deducendæ vitæ eſt principium, & cauſa, *Eccle. c. 6. nu. 34.*

Similiter & eiufdem intellectiue conſeruandæ vitæ dilectio illius eſt principium, & cauſa conſeruationis, quam conſeruationem memoriæ appellamus, cuius dilectio re ipſius eſt dilectio veritatis, quia ſpirituum, ac ſpiritualium hypoſtaſis formandæ, ac conſeruandæ principium cauſa, & glutinum ipſa eſt dilectio, *Deut. c. 10. nu. 15. Reg. p. c. 18. nu. p. Aff. Apoſt. c. 4. nu. 32. Io. c. 17. nu. 26. Oſe. c. 9. nu. 10.*

Per huiusmodi tamen ab ijs, quæ in ſuperiori à nobis affirmata fuerunt capite non recedimus, quia ibi de mutua actuali vicium ipſarum partium intellectus permutatione locuti fuimus, quod nempe intellectus ad intelligendū ſe volutariè moueat, ac re ipſa volutariè intelligat: viceq; verſa, quod voluntas ad volendū ſe ſcienſer moueat, ac, quidquid vult, re ipſa ſcienſer velit. Hic autem primò egimus, de huiusmodi vicium permutationis colligatione atq; colligationis principio, & cauſa, ipſam, quam diximus fuiſſe, & eſſe mutuam alterius in altera permanſionem, qua velut medio mutuò ſic permanentes ſibi inuicem proprias per eorum reciprocum contactum, & adhæſionem communicant vices. Secundo verò, quod huiusmodi principium, & cauſa permanſionis ipſa ſit inter huiusmodi ſic permanentes mutua dilectio, quam ſpirituum, & ſpiritualium diximus eſſe glutinum, quam dilectionem eſſe debere, ſimiliter dicimus, qualem decet ipſum habere intellectum, ſcienſer videlicet, & volutariè conceptam, non autem qualem eam dicimus eſſe af-

fectio-

fectionem naturæ, quæ res vna alteram sibi eiusdem affinitate naturæ coniunctam occulta quadam ipsius naturæ vi appetere inscîa rapitur, quam sympathiam appellamus, quoniam huiusmodi affectio quatenus talis ab ipso est penitus aliena intellectu, cuius proprium est intellectuè agere, & intelligere, quod agit. Nam pars vnaquæq; intellectus suam præcipuam licet retineat virtutem, à qua suum proprium sortitur nomen non separatè tamen, seu priuatiuè ab alijs eam re ipsa in ipso possidet esse formali, quia sicut ipsemet intellectus partes in eadem formalitate non sunt inter se ab inuicem substantia diuisæ, sic neq; quas ipse possidēt, ab inuicè possunt esse diuisæ virtutes, quia virtus pars est indiuisa substantiæ illius, cuius illa dicitur esse propria virtus. Propterea sicut mutua sonorum communicatione symphoniarum in organo audimus immutari qualitates, proprium licet singulæ in eo constitutæ retineant fistulæ sonum: mutua sic motuum, ac virtutum ipsarum indiuisarum intellectus communicatione partium harmonicorum concentuum mixta varia in illius formalitatis vnitatem suauiter permisceri, ac blandè præcineri mente audimus iucunda cantica, singulæ quamquam illius partes motuum, ac virtutum præcipuam vlla propriæ sine diminutione libertatis retineant integritatem, alioquin, si sibi inuicem priuatis non consentirent, vel obfisterent motibus, & virtutibus non consonans, non harmonica, sed rudis, agrestis, & horrida esset ipsa intellectus non concors concordia, quarum discretus permutator vicium, harmonicorūq; conciliator concentuum, totiusque dulcis huius rector iucundus cantici ipse est, quem diximus, intellectuus amor: Sicut ergo in ipsa concentus vnitatem sunt sibi vicissim voces spiritus viuacitatis, dulcedinis, & gratiæ, ipsæ sic partes intellectus sunt sibi vicissim in ipsa mentis vnitatem spiritus vitæ, libertatis, & excellentiæ. In omni igitur agentis intellectus operatione vitæ, sicut harmonicus iste seruatur mentis concentus, ut ille suæ omnes vitæ perpetua sibi comite voluntate, ipsius tanquam operum vitæ animato, & animante spiritu absoluat operationes, in omni sic voluntatis operatione vitæ similis perpetuò seruetur harmonicus concentus, ut illa suæ omnes vitæ perpetuò sibi comite intellectu, seu memoria, ipsius tanquam animato, & animante spiritu, absoluat operationes eadem exigit concordia intellectus, integra ut in se ipsa verè ipsa seruetur substantia mentis, quæ vlla nec astricta necessitate, vlla nec occulta vi rapta naturæ, sed in omnibus, & per omnia in se ipsa perpetuò libera liberè semper agat, non per hoc tamen sic agēs in vlla sui ipsius parte est in se ipsa disiuncta, vel in aliquo se ipsam impugnat,

gnat, sed puro veritatis, & virtutis amore in se ipsa tota complexa, vel potius se ipsam inuicem totam liberè, & voluntariè complectens ex ipsa veritate propria perpetuò virtute viuit. Nam veritas commune est tam ipsius intellectus, quam voluntatis obiectum, vtriusque ac naturale pabulum, distinctis tamen, re autem non separatis respectibus, prout ipsi distincti, re autem non separati in ipsa inueniuntur intellectus substantia. Nam, quemadmodum corpus à Solis repercussum radijs à tenebris in lucem emergens, ab eius sit oculis nostris illustratione manifestum, factum autem, in eo quidquid est, prout est verè, nostro sit præsens, ac notum conspectui: veritas sic à radijs repercussa intellectus à tenebris in lucem emergens ab illius ei denudata apparens illustratione, prout est illa verè, suo sit præsens, & nota conspectui, ex huiusmodi autem manifestatione veritatis cum illius tam verum, quam bonum, clarissimè pateat, eiusque verum, & bonum licet inter se sint distincta, & cognita, ab inuicem tamen in illius non sint separata substantia, quoniam in ea verum non datur, quod æquè non sit bonum, neque bonum, quod æquè non sit verum, *E/d. 3. c. 4. nu. 36. & 39.* nam ipse actus veritatis illius est bonum, quod ab ipsa separari non potest, quoniam in ea vnum est substantia tantum, *Prin. c. 12. nu. 17. Bar. c. 4. nu. 13. Io. c. 3. nu. 21.* prout suo loco latius dicetur. Quatenus ideo veritas ipsius est simpliciter index, & demonstratio veri proprium est potius intellectus, quam voluntatis obiectum, ac illius naturale pabulum, quatenus verò ipsius est simpliciter index, & demonstratio boni proprium est potius voluntatis, quam intellectus obiectum, ac illius naturale pabulum, sicut ergo intellectus veri in ea apparentis placore motus proprii, tanquam alimenti illud confestim haurit, ex eoque alitur, enutritur, & repletur: repletus autem ex eo perpetuò coniucundatur, condelectatur, & viuit: Boni sic in ea apparentis placore mota voluntas, proprii tanquam alimenti ad illud statim inhiat: inhians haurit: hauriens ex eo alitur, enutritur, ac repletur, repleta ex eo perpetuò coniucundatur, condelectatur, & viuit, quibus circularibus continuis liberis liberæ naturæ motibus ex se, & in se perpetuò euntibus, & redeuntibus, quasi expiratis, & inspiratis noster in se ipso perpetuò spirat, & viuit intellectus, cuius perpetuatio vitæ ab ipsa, ut diximus, pendet mutua intellectus permanensione in ipsa nec ab eo perceptarum veritate rerum, & veritatis illarum in ipso intellectu, & quod eius permanensionis glutinum ipse est intellectus eius amor, eius qui propria dicitur esse virtus, quorum mutua sic simul veritatis amore adhærentium permanens memoria dicitur, ex quibus

bus quid inter ideam, & memoriam interfit ediscere valemus, nam illa rei est imago in agentis intellectu in hunc præconcepta finem, ut sub illius præconceptæ imaginis typo res illa in ipsa realiter producat, ac formetur rerum natura: Ista verò est imago rei prout est iam in veritate in ipsa rerum producta, & formata natura in ipsa agentis intellectus substantia in hunc impressa, ac retenta finem, ut intellectus in ea tanquam in speculo viuentis rei illius in imagine videns veritatem illius, intellectus veri specie, ac decoris, & gratiæ venustate, ex ea, proprio tanquam obiecto, ac naturali pabulo nutritus perpetuò viuat: boni sic illius intellecta placore voluntas, ex eo similiter, proprio tanquam obiecto, ac naturali pabulo nutrita perpetuò viuat. Ita ut sicut intellectus ab ipsa animatus voluntate, ex a se sponte, ac liberè percepta veritate perpetuò viuat, sic viuens in eiusdem a se perceptæ imagine veritatis ipsam ad agendum animat voluntatem: voluntas sic ab intellectu in imagine animata veritatis, secundum intellectus illius operatur veritatem; sic operans ad ipsius a Deo operatæ similitudinem operetur veritatis; operans autem ab optimi diuinorum operum ab eo spontè facta electione præexcellenter viuat, viuens autem subiectis sibi omnibus dicitur dominari animantibus, prout, ut ijs dominaretur, a Deo creata fuit, ut suo loco dicitur. Vniuersa autem præenarrata huiusmodi viuentis intellectus essentia, vnico hoc nomine mens appellatur. *Eccl. c. 15. nu. 18. & 15. c. 14. nu. 23. & seqq. ac nu. 21. c. 31. nu. 10. c. 33. nu. 23. Sap. c. 9. nu. 2. & 3.*

In se ipsa ergo cum huiusmodi sit nostræ essentia mentis, & hanc pro forma nostræ in hoc nobis dederit Deus humanitatis, ut illa ad suæ similitudinem in nobis operante imaginis voluntaria, & libera, prout in se ipsa est verè, esset nobis viuendi, & operandi forma, ut per eam sic, ut supra, liberè, & voluntariè in nobis operantem liberi, & voluntarij, quales nos voluit esse Deus, essemus homines, quod cum ita sit, prout est verè, huiusmodi ut simus, secundum eam viuamus, & operemur, oportet, nam ut forma nostra in nostræ nos actualiter constituat speciei esse formale, suæ in nobis excitet actum vitæ, necesse est, quia viuentis formalitas ipsa est actualis ipsius exsuscitatio, & exercitatio vitæ, quam si in nobis non exsuscitet, & exerceat, neq; nos etiam secundum eam formaliter viuere dicimur, quia formaliter viuere, & non formaliter viuere sunt sibi exaduerso contraria, se seq; vicissim oppugnant, & inuicem tollunt, *Eccl. c. 33. nu. 15. 1o. c. 5. nu. 24. c. 14. nu. 19.*

Nam, si humanitatis nostræ perfectio ipsa est integra, & absoluta for-

formalitat^{is} humanitat^{is} nostræ affectio, quam ab ipso actu formæ actualiter assequimur humanæ naturę nostrę eo, quia ille verè integrum & absolutum nostro dat esse formale formati, cum nil aliud sit ipsa formalitas, quam ipsiuseductio, & exsuscitatio actus à propria potentia, ipse per consequens actus potentię ipsius erit perfectæ absolutio formati, quoniam ei completè absolutum dat esse formale. Vbi cumq; igitur ipse absuerit potentię actus, ibi formalitas absit, consequens est, absente autem formalitate nil re formatum, nil perfectum in suo potest dici esse formali.

Nos igitur, cum per intellectum homines verè simus, & ipsa ratione, quæ rectus est intellectus actus, quia tanquam differentia a brutis specie dirimamur. *Iob c. 12. nu. 2. & 3. Psal. 48. nu. 13. & 21. si solum sine actu daremus nos habere intellectum, nostra non posset humana species à cæteris distingui animantibus differentia, non distincta autem, vel confusa, vel saltem omninò incognita maneret, d. Psal. 48. num. 13. & 21. Psal. 31. nu. 9. Iud. sua vnica nu. 19. Pet. 2. c. 2. num. 12. quia sicut potentię actus formalitat^{is}, atq; absolutionis formati est complementum perfectum. Illius, sic est index verum, Mat. c. 7. nu. 17. & 18. Luc. c. 6. nu. 43. Iac. c. 3. nu. 12. Prou. c. 20. nu. 11. Idcirco, si intellectum sine actu intelligendi imaginaremur sicut ille formaliter non esset intellectus: nos sic, in quibus illum pro forma esse diceremus, in proprium speciei nostræ non constitueret esse formale, quia in illo sine actu formæ, vt dictum fuit, nequidquam perfectum, nequidquam informatum esse potest, alterius nec forma esse valet, qui in se ipso sua forma caret, alteri nec opitulari valet, qui sibi adiumento esse non potest, præterea sicut actus sine potentia dari non potest, sic in esse formali potentia sine actu etiam ipsi contradicit formalitati, quia in ipsa ista duo vnum sunt substantia tantum, substantiaq; omnis natura est indissolubilis, sicut ergo ab intellectu, vt intellectus sit neutrum absit, oportet, neutrum sic a nobis, veri vt homines simus, absit, oportet, quia solo intellectu verè homines sumus. *Iob d. c. 12. nu. 2. Psal. 118. nu. 144. d. Psal. 31. nu. 9. intelligendi ergo qui non exercet actum, ipsum formaliter non habet intellectum, quia ad formalitatem ipsius intellectus ipse est necessarius intelligendi actus: propterea Dominus noster Iesus Christus, Mat. c. 15. nu. 16. discipulis suis suos actu non intelligentibus sermones dixit: Vos adhuc sine intellectu estis, neq; huiusmodi solum intelligendi actum, qui intelligentia dicitur, habeat oportet, sed etiam eam conseruet, cuius conseruatio memoria appellatur, ad hoc vt in imagine in ea impressa veritatis, & intel-**

intellectus veri, & voluntas boni placere illi, & moti ex ea in semet ipsis uiuant, uiuentes autem propria eorum vita vitam homini inspirarent, ac tanquam illius recta forma rectam illi suppeditarent vitam, ad hoc, ut in ipsis eam illi sic dantibus ipse uiueret homo, uiuens uerus esset homo, quia non corpus hoc sensibile, quod digito demonstrari potest, sed mens cuiusque est uere homo quisque: Nam, si spiritus intellectuius, quem mentem appellari diximus, in hominis faciem à Deo, eius tanquam ab eo præparata suppositi forma, nobis uere nostri, prout uere fuit, exitit effendi, & agendi principium, & forma. *Gen. c. 2. nu. 7. Sap. c. 15. nu. 11. Apost. p. ad Cor. c. 2. n. 11. Macrob. de Somno Scip. in princ.* nostri etiam se nobis uti nostra communicans forma, & suæ quæ sunt essentia communicauerit omnia, consequens est, quia in se ipsa nulla uere diuisa, uel disiecta, sed continua, & solida est omnis substantia.

Verum, ut hæc omnia distinctè, ac plenè manifesta fiant, ac fieri valeant, non nullas prius diluamus difficultates, quæ ex apparenti quadam necessitate in ipsa oriri videntur supposita mentis formalitate, quæ ex aduerso contraria esse videntur, quæ nempe de eius absolutissima asseruimus libertate.

De intellectu, memoria, & voluntatis, ac totius simul mentis esse formali. Cap. III.

Etsi superius dixerimus, quod intellectus, memoria, & voluntatis nostræ motus sint vicissim voluntarij, & intellectiui: intellectiui, & voluntarij, in esse tamè formali, cum actus, & potentia vnum sint substantia tantum, substantiaque omnis ipsa vnum sit indiuisibile natura; postquam harum quælibet, vel omnes simul in sua fuerint formalitate actu constitutæ, quin ita existant, efficere non possumus, etsi ergo intellectus noster sua natia libertate ad intelligendum, vel non intelligendum pro libito suo se mouere valeat, postquam tamen actu iam intelligit, quin intelligat, efficere non potest, quia huiusmodi est natura, & essentia formalitatis suæ, à qua aberrare non potest, quia ipsam esset destruere naturam, & essentiam formalitatis suæ, quod .n. quid simul, & semel formaliter sit, & non formaliter sit, impossibile est, quoniam hæc sunt sibi ex aduerso contraria, quæ inuicem se se perpetuò oppugnant, & inuicem tollunt. Etsi ergo actus potentiarum, seu facultatum, ex quibus nostrum quisque constat, ex libera sua

sua valeat arbitrij libertatē ad libitum suum ijs præessendo moderari, ijs tamen non impeditis, cum obiectus, ex quibus illæ viuunt, actu repræsentantur, eos quin deglutiant, efficere minime possunt, quia non uiuant, cum vitam hauriunt, fieri non potest, verbi gratia naribus si nostris aliquod admoveatur odorem, illius quin statim odorem, huius tanquam proprium sensus obiectum, sentiant, efficere minime possumus, propter hoc tamē nostra in nullo læsa manet arbitrij libertas, quia in hoc à Deo sensus iste creatus fuit, talis eius ut esset actus vitæ, & in esse formali, quæ in ipsa existat natura, ab arbitrio nostro licet libero immutari minime possunt, quoniā destruere nō potest homo, quod Deus ipse fecit: Similiter & oculus visibilis obiecti à mundanæ lucis diaphano illuminati sibi oblatis non potest non videre speciem, auris non audire sonum, manus palpatæ rei non percipere qualitatem, lingua gustati cibi non percipere saporem: Sic etiam, & non aliter euenit menti nostræ in actibus formalitatis suæ, nam licet anima nostra intellectiua absolutam habeat libertatem faciendi, quod sibi videtur: intellectus tamen nostro si denudata, idest à diaphano intellectu illuminata lucis, aliqua afferatur veritas, quin eam capiat, sibi que nota fiat, facere minime potest, quoniam huiusmodi capessendæ, & intelligendæ veritatis actus propriæ suæ est sibi naturalis actus vitæ: immo vitam et ipsa, quam viuendo à se abicere non potest, alias a se ipso viuēs abesse posset, quod est impossibile. Nam à Deo in hoc creatus est intellectus, ut actu intelligēdo formaliter extaret, in suo ergo esse formali sicut nō potest non intelligens esse, oblatis sic sibi non potest non percipere veritatem, alias, si in ipso intelligendi actu, actu non intelligere posset, verè non intellectus esset, Domino nostro, *Mat. d. c. 15. nu. 16.* ut supra, discipulis suis actu non intelligentibus, dicente: *Vos adhuc sine intellectu estis*, quia actu non intelligentes intellectus formalitate carebant, quæ carentes: sine ipso esse dicebantur, quia formalitas est illa, quæ suo perfectum dat esse formato, nam etsi actus, & potentia in ipsa formalitate cogitatione distinguantur, ab inuicem tamen re separari minime possunt, quia vnum formaliter sunt substantia tantū, alias in natura posset dari viuens, quod actu non viueret, quod impossibile esset, ut superius dictum fuit.

Formalitate ergo ille constare dici non potest intellectus, qui ipso non intelligit actu: memoria, quæ non memoretur: voluntas, quæ nec velit, nec nolit, quia *potentia sine actu velut mortua iacet*, *Iac. c. 2. nu. 20. 21. & 26. Mat. c. 5. nu. 13. Mar. c. 9. nu. 49. Luc. c. 14. num. 34.* quæ autem
de in-

de intellectu superius affirmata fuerunt, etiam de memoria, & voluntate fuerint affirmata, censenda sunt, nam, quod, dum memorandæ res nostro actu adherent intellectui, & mutuò in sese permanent, idest cum ipsas formaliter memoramur, earum memoriam non habeamus: & similiter, dum veri boni, vel mali re cogniti obiectum nostrum formaliter apprehenderit voluntas, quod actu id verè non apprehenderit, utiq; fieri non potest, quia actus sunt sibi inuicem exaduerso contrarij, qui simul eodem tempore esse non possunt, & essent destructioni eorum propriæ formalitatis, à cuius destructione natura, virtus, & essentia dictarum facultatum reluctat, quoniam, ut sit, & viuatur, nititur omne viuens, tanta est enim intellectus nostri naturalis propensio ad capessendam veritatem, & illius apprehendendæ naturale desiderium, ut illius manifestatione, & præsentia quin eam hauriat, & intra se recipiat, & eam sibi vniat, & mutua alterius in altero permanensione ipsa formetur memoria, fieri non possit, quoniam ipsius est illa pabulum, ex quo ille perpetuò se ipsum alit, enutrit, replet, & viuit, & ipse est vita verè, ei ideo nil dulcius esse potest, quoniam viuenti nil dulcius esse potest, ipsam quam viuere vitam, ad quam viuendam creatus est. Veritas ergo est principium, propter quod ipse mouetur intellectus, nam ad agendum se ipsum mouet, ut exquirat veritatem, quam si non exquireret, iram Dei hæderet, quia in hoc creatus fuit, ut illam exquireret, quoniam eam exquirens ipsum exquirat Deum, quoniam Deus est veritas, quæ exquirenti se seipsam non negat. Eccl. c. 39. nu. 28. c. 2. nu. 13. c. 15. nu. 8. c. 24. nu. 25. Io. c. 8. nu. 31. 40. 46. c. 14. nu. 6. Apost. 2. ad Tim. c. 2. nu. 13. Psal. 13. nu. 2. veritas ergo est obiectum, & finis ipsius intellectus, quoniam propter illam ad agendum mouetur, & in ipsam suapte natura tendit, & in ipsa tandem asecuta suauiter conquiescit, & ea delectatur, quid enim viuens magis quærit, quam ut viuatur? in quo magis conquiescit, & delectatur, quam in ipsa iucunditate vitæ?

Ex ipsius autem inspectione veritatis cum ea quoq; quæ bona sunt, manifesta fiant, & bonum ipsius sit volutatis principium, motus, & quietis, cum illius sit obiectum, & finis, propter quod illa ad volendum mouetur, & in quem suapte natura fertur, in hoc enim voluntas ad volendum se mouet, ut bonis, quæ ei placent, potiatur, potitis fruatur, & delectetur, quoniam illius sunt illa pabulum, ex quo perpetuò alitur, enutritur, condelectatur & viuit, quid ergo nostra magis quærit voluntas, quam ut summum inueniat bonum, & in illius perpetua iucunditate cōquiescat, & gaudeat, quia illius perpetua perfruitio perennis, & perfectæ

suæ est perfruitio vitæ: quid enim viuens magis quærit, quam iucundè viuere? In quo magis conquietur, quam in ipsa perenni iucunditate vitæ? quia, vt dictum fuit, viuenti nil dulcius esse potest, quam perenni viuere iucunditate vitæ, & si ergo infallibili naturæ ductu summum voluntas exquirat bonum, in quo eius summa residet felicitas, illud tamen nõ coactè, sed libens illa quærit, ex huiusmodi enim à Deo fuit illa constituta natura, & quin huiusmodi sit efficere nullo modo potest, quia voluntas, etsi in eam, quam voluerit, valeat inclinare partem, non potest tamen non esse voluntas, & consequenter, quod bonum sibi oblatum, sibi non placeat, sibi autem placens non coacta, sed libens percipiat, quoniam in ipsa illud percipit veritate, in qua est vera libertas, *Prou.c.19.nu.8. Sap.c.7.nu.27 28.c.8.nu.6. & c.9. nu.19. Eccl.c.17. n.6. & 7. Efd. 3.c.4.nu.38. Ier.c.4. nu.2. Bar. c.4. nu.13.14. Io.c.8.nu.32. iunio c.14.nu.6. Apost. ad Gal.c.4.nu.31.*

De humano carnis, & mentis composito, & de eiusdem carnis potentia, principio, & qualitatibus. Cap. IV.

Humana essentia nostra ex duabus est constituta substantijs in vnam tantum hypostasis euecta vnitatem, ex mentis videlicet, & carnis composito, quarum altera est merè spiritualis, altera verò merè terrena, & animalis. *Gen.c.2. nu.7.c.3. nu.19. c.6. nu.3. Psal.77. nu.39. Eccles.c.3. nu.20. & 21.c.12. nu.7.* Quorum prior, quam animam appellamus rationalem, ad hanc formandam interuenit vnitatem, tanquam forma, alia verò tâquam materia. Forma autem cum sit illa, quæ ipsi dat esse formale formato, illa etiam, quemadmodum in se ipsa est vna, & indivisibilis ab omni alia forma distincta, & separata, suo sic det formato esse vnum indivisibile ab omni alio formato distinctum, & separatum, decet, & conuenit: materia verò, cum in se ipsa sit merè passiva non se ipsam informat, neq; viuificat, vt re debeat naturales actus edere, & vitam viuere formalitatis formæ, atq; naturæ suæ, sed à præfata informatur, & viuificatur forma, vt eiudem actus edat, vitamq; viuat formalitatis se informantis formæ, quia omnes formati actus, & vita ab ipsa procedant, oportet, informantem forma: nam si posset dari casus, quod humana caro nostra ab alicuius priuata speciei suæ forma in illius propriam eueheretur formalitatem, nostra vtique caro, siue mens nostra vellet, siue nollet, semper actus

actus, & vitam animantis illius, à cuius speciei esset informata forma, ederet, & viveret: cuius contrarium in nobis manifestissime conspicitur, in quibus mens nostra, nostræ tanquam unitatis forma potest, si vult, nostræ passionēs, & actus cohibere carnis, & illi dominari, eamq; sub rectæ continere rationis forma, & rectè, ut agat, efficere. *Gen. c. 4. nu. 7. Eccl. c. 9. nu. 1. c. 18. nu. 3. 1. c. 33. nu. 23. Apost. 1. ad Cor. c. 9. nu. 27. ad Colos. c. 3. nu. 5. 1o. c. 6. nu. 64.* non enim in dicta à Deo sic, ut supra, colligatæ fuerunt unitate, ut caro menti, sed, ut mens, tanquam forma informans, & animans carnem, tanquam materiæ à se informatæ, & animatæ præflet, & veluti natura superior re ipsa dominaretur illi: Moyses propterea de hac loquens humana constructione, *Gen. c. 2. nu. 7.* sic ait: *Formavit igitur Dominus Deus hominem* (corporeum, videlicet, illud, quod oculis videri, digitoq; potest demonstrari figmentum) *ex limo terræ, & inspiravit in faciem eius spiraculum vitæ,* (quod ipsa fuit anima rationalis) *& statim factus est homo in animam viventem,* ex quibus liquidissime patet, quod anima rationalis à Deo in faciem luteæ illius inspiratæ structuræ propria fuit formati illius forma, quoniam illi re hominem esse dedit, quod efficere proprium est formæ. *Iulianus, §. si quis, ff. ad exhib. l. si is, §. quadam, ff. ad l. falc.* non ergo caro, quam cum cæteris communem habemus animantibus est illa verè, quæ nos homines esse facit, sed anima rationalis, à qua hoc nostrum humanum informatur formatum, quod ab ethnicis etiam fuit cognitum, ut superius dictum fuit ex *Macrobi. de Somn. Scip.* introducente Africanum sic alloquentem: *Is non est homo, quem hæc, quæ digito potest demonstrari figura, nostra, videlicet, hæc carnalis tunica, lud. sua unica, nu. 23. sed mens cuiusque ea est homo quisque,* quod ab *Apost. quoq; 2. ad Cor. c. 12. nu. 2. & 3.* in spiritu Dei manifestatum fuit, asserente: *Hominem se scire ad tertium usque raptum fuisse cælum, nescire autem, an ille ibi re in corpore, vel extra corpus extiterit:* ergo homo ille non corpus illud erat, in quo, vel extra quod illuc raptus fuerat, sed spiritus ille, qui in corpore illo, vel morabatur, vel ab eo illuc extaticus translatus fuerat. Volens propterea Deus huius nostri nobis arcanum pandere composuit, *Gen. d. c. 4. nu. 7.* irato Cain sic ait: *Quare iratus es? cur concidit facies tua? nonne si bene egeris recipies, sin autem malè statim in foribus aderit peccatum tuum?* post hæc autem ad rem nostram ita subiungens ait: *sed sub te erit appetitus eius* (si eius: consequenter non Cain, sed sensibilis animalitatis, & carnis ipsi inhærentis Cain huiusmodi erat appetitus:) propterea non tuus, sed eius dixit, ut cognoscere mus, quod caro, qua circumdati sumus, est quid à nobis distinctum.

stinctum, licet non re separatum, & quod appetitus eius, à nostro longè distat, quia ille purè sensibilis, noster verò rationalis, & intellecti-
uus, immò non propriè appetitus, sed veri, & cogniti libera, ac volun-
taria dilectio boni, à qua internū nostri recipimus agendi principium:
quod & rursus dilucidius, ac manifestius declarans ait: *Et tū dominaberis
illius*: illi ergo si factò dominari poterat, per consequens etiam ipse
Cain in superiori vitæ gradu suæ constitutus carni, & animalitati, ei
dominari potenserat, eius omnes cohibendo affectus, & passiones, quia
iple, sicut & nos omnes sumus quid à carne nostra, licet non re separa-
tum, natura tamen distinctum. Humana tamen essentia nostra etsi ex
duabus his constet substantijs, illæ tamen cum in vnam tantum fuerint
translatæ vnitatem, iam non duo amplius, sed vnum tantum formatum
homo appellatum, dicenda sunt, & sunt verè, vt omnes sacræ testifican-
tur litteræ, & sancti viri, & in specie *B. Athanasius in suo fidei sym. vers.
35.* Verum, etsi re vera præfita essentia vna sit tantum, illa tamen,
cum ex duabus re sit conflata substantijs tanquam partibus dictam com-
ponentibus, & integrantibus compositi vnitatem, non solum inter se
distinctis, & cognitis, sed & penitus diuersis, ac naturalibus suis se se
perpetuò adinuicè aduersantibus, & oppugnantibus contrarijs actibus;
in eaq; sic in inuicem simul coniunctæ, & vnitæ nulla omninò confun-
dantur comissione, vel ab eorum proprijs immutentur essendi, & agen-
di principijs, naturis, qualitatibusque, quæ, & quas vnaquæq; secun-
dum naturam sui generis de perse ab ipsa substantialiter fuisset conse-
cuta natura, quæ, & quas retinens, iisdem quoq; suis valeat moueri, ac
etiam re ipsa moueatur priuata potentia, principio, & motibus, à qui-
bus mota, ac se mouens, priuatos quoq; suos, ac naturales valeat pro-
ducere actus, alias quæ, & qualis in ipsa esse dicitur vnitatem natura, re
vera non esset, dici nec posset, aduersus veracem, ac infallibilem Do-
mini nostri Iesu Christi attestationem, *Io. c. 3. num. 6.* dicentis: *Quod ex
carne natum est, caro est verè, quod vero ex spiritu est, est spiritus.*

Caro verò, vt verè caro sit, sensitiua, appetitiua, & adfectiua constet
potentia, necesse est, alias non caro, sed alia esset substantia, iuxta po-
tentiam naturaliter in se ingentiam, & manentem, huiusmodi similiter po-
tentia, si sibi connaturalis, ex se naturaliter nō posset producere actus
pro sensitiuæ, appetitiuæ, & adfectiuæ non posset cognosci potentia
substantiæ, quia ex actuum qualitate ipsa nobis innotescit qualitas po-
tentia, quos si infra se potentialiter non foueret, illos utiq; naturaliter
ex se producere, & emittere non posset: nō educens in suam, nec etiam
se

se posset euehere formalitatem, quia illa nil aliud est, quam ipsa actuum educio a propria, & naturali potentia, quibus non educatis, nec formaliter esse, nec agere, nec viuere, nec operari posset, hæc facere nõ valens tam ex defectu potentia, quam actus, quid illa etiet vtiq; cognosci non posset, quia sicut actus sine potentia illum producente, sic & agens potentia sine actu, quem producere dicitur, dari non potest, quia sine illo mortua iacere dicitur, & mortua est verè, *Mat. c. 7. num. 16. & 18. c. 12. nu. 33. Luc. c. 6. nu. 43. & 44. Iac. c. 2. nu. 17. & 26.* Quod verò potentia, & principia vtriusq; ex dictis componentibus partibus, & maxime carnis, in qua tanquam materia prædicta minus videntur inesse debere, re vna cum ipsorum naturalibus facultatibus, & motibus in homine insint, vtiq; negari non potest, nec debet, quoniam & sensu, & experientia patet, & manifestissimis rationibus, & auctoritatibus comprobari potest: nam homo velit nolit (nisi diuina ab ijs eximatur gratia) carnalibus ferè semper, dum viuít, agitur motibus, cui accedit ipsius *Apostoli testimonium 2. ad Cor. c. 12. nu. 7. 8. & 9.* dicentis: *Datus est mihi stimulus carnis meae, qui me colaphizet: Propter quod ter Dominum rogavi, vt discederet à me: & dixit mihi: Sufficit tibi gratia mea: nam virtus in infirmitate perficitur.* Pugna enim carnis aduersus animam nostram rationalem a Deo permilla fuit, vt in huiusmodi cõsultatione, tâquam infirmitate se lacescente, & oppugnante ipsius semper magis perficeretur virtus ad hoc, vt incoinquinatorum aduersus carnem certaminum præmium, propria virtute vincens gloria coronata triumpharet. *Iob. c. 7. nu. 1. Sap. cap. 4. nu. 2. c. 3. nu. 1. & seq. vsq; ad 9. c. 5. nu. 4. 5. & 17. Eccl. c. 31. nu. 10.* quoniam non decet, quod miles coronetur prius, quam legit. *mè certaueris, certamenq; viceris Apost. 2. ad Tim. c. 2. nu. 5. & 10. c. 4. nu. 7. P. ad Cor. c. 9. nu. 25. & 27. Apoc. c. 1. nu. 7. c. 2. nu. 7. 10. 11. 17. 22. 26. & 27. c. 3. nu. 5. 12. 21. c. 21. nu. 7. & 27. c. 22. nu. 12.*

Nostræ autem mentis, seu animæ rationalis virtus in huiusmodi dicitur perfici contradictione, & oppugnatione carnis, quia prudentia militantium, quæ eorum præcipua dicitur esse virtus, vsu & consuetudine belli rectè aduersus hostes gerendi comparatur, mentis propterea prudentia homini dicitur esse vita, carnis verò ei aduersantis prudentia dicto homini dicitur esse mors, quia sicut homo, vt iam dictum fuit, verè non est hoc carnis nostræ extrinsecum, quod digito potest demonstrari figmentum, sed mens cuiusq; verè est homo quisque, sic huius mentis actus recta cum ratione, & prudentia editi propria sunt hominis vita, actus verò a carnis petulantia editi, & consummati homini, qui

ex præscripto rationis viuere debet, sunt peccata, & peccata mors.

Hominem enim fecit Deus ex duarum harum substantiarum sic sibi inuicem aduersantium, & contra se pugnantium composito, non ut caro mentem in hac superaret pugna, superans ei superesset, & dominaretur illi, quoniam in natura adeò turpe, & indecorum est, quod substantia inferioris gradus superfit, & dominetur substantiæ superioris gradus, sed ut mens verè tanquam supereminentioris naturæ, & præ-excellentioris formæ carni superesset, & dominaretur illi omnes eius passionibus sub iugo cohibendo rationis, & eius nequissimos supprimendo actus, quoniam, ut dictum est, illi sunt peccata, & peccata mors. *Apost. ad Rom. c. 8. nu. 5. 6. 7. 8. & 13. c. 7. nu. 23. & 25. Eccl. c. 17. nu. 30. c. 31. nu. 10. c. 33. nu. 23. Gen. c. 4. nu. 7. Iac. c. 1. nu. 14. & 15. Prov. c. 2. nu. 3. & 11. c. 3. nu. 13. 22. & 23. c. 4. nu. 26. c. 7. nu. 4. c. 9. nu. 6. humanæ nec militiæ arma decet sint carnalia, sed spiritualia, Apost. 2. ad Cor. c. 10. num. 4.* Si ergo vnaquæq; dictarum substantiarum, ut re talis sit, qualis esse dicitur, ex proprijs, & priuatis suis consistet, oportet, principijs, ab ipsis quoq; tanquam naturalibus fontibus actus, qui, & quales, quæ, & qualia dicta earum sunt principia, & potentiæ emergere queant, conuenit, quoniam earumdem sunt potentiæ, & principiorum naturales processiones, ex quarum actuali emersione prædictarum substantiarum postea effluunt formalitates, huiusmodi consequenter substantiæ, sicut, ut ita sint, ab ipsis recipiunt potentijs, & principijs, sic, ut ita agant, ab ipsis quoq; recipiunt, & habent, propterea illarum dicuntur essendi, & agendi esse principia, quia hæc illis vtrumq; præbent, illæ verò viceuersa ab his vtrumq; recipiunt, & habent, & quod ista in ipsa non ita sint natura, impossibile est, quia huiusmodi facultates, & leges eis à Deo impositiæ fuerunt ab exordio creationis illarum, & vsq; in finem sæculi duraturæ sunt, quia sic Deo placuit, & placet, *Mat. dd. c. 7. nu. 18. c. 12. nu. 33. Luc. c. 6. nu. 43. & 44. Iac. c. 3. nu. 12. Ier. c. 31. nu. 36. c. 33. nu. 20.*

Quibus stantibus, prout stant verè, & spiritus intellectiuis, seu anima rationalis in sua propria non habet à Deo ingenitum substantiam internum illud sensibile essendi, & agendi principium, neque animata instrumenta illa, per quæ, tanquam media ipsa hauriuntur sensibilia, sensoria nuncupata, oculos nempe carnales, quorum medio sensibilia videt, & eorum aspectu sensualliter deletatur: os, linguam, & palatum ut gustet: nares, ut odoret: aures, ut audiat: ossa, nervos, & carnem, ut palpet, quia ista in ipsorum propria sensibili ingenita resident substantia,

stantia, *Io. d. c. 3. nu. 6. Luc. c. 24. nu. 39. & 40. & seqq.* huiusmodi consequenter operationes, quatenus merè sensibiles, nō ab interno, & proprio intellectiui spiritus essendi, & agendi principio, neq; ab ipsa intellectus substantia sunt verè, sed à sensitiua potentia, eorum tanquam priuato, & proprio sensibili essendi, & agendi principio, ab ipsaq; sensibili eius carnea substantia, *Eccl. c. 23. nu. 6. Apost. ad Rom. d. c. 8. nu. 6. & 7.* Puri sic actus intellectiui, cum sint supra sensum, & consequenter penitus extra ipsam sensibilem potentiam, & principium, & substantiam, non etiam ab ipsis, sed ab interno intellectus principio, & ab eius substantia, tanquam eorum proprijs, & priuatis fontibus procedāt, & pendēant, necesse est. His neq; obstat, vt superius dictum fuit, quod iste spiritus intellectiuius tanquam forma nostram informet, & viuificet carneam substantiam, quia per illius informationem, & viuificationem præfatam re non immutat, immutare nec potest substantiam carnis, neq; ea peruertere principia, ex quibus caro, vt caro sit, re cōstet, oportet, quia illucq; non peruenit potētia formæ dicti spiritus, vt eas, quas sua omnipotenti potentia, admirabili sapientia, ineffabili amore condidit Deus, possit rerum mutare substantias, variare genera, atq; peruertere formas, id neq; deceret, quoniam nec ipse Deus, quod fecit, infirmat, *Eccl. c. 47. nu. 24. Eccles. c. 3. nu. 14. Deut. c. 2. nu. 5.* Neq; ipse spiritus in composito humano diceretur viuificare carnem, neq; homo ea constare verè, nisi illa in propria substantia maneret in ipso, iisdem constans principijs, quibus, vt caro sit, constet oportet, *Gen. c. 6. nu. 3. Psal. 77. nu. 39. Eccl. c. 40. nu. 8. Io. d. c. 3. nu. 6. Apost. ad Rom. c. 6. nu. 19. d. c. 8. nu. 5. 6. & 7.*

Neq; caro sic à spiritu viuificata posset spiritus induere naturam, neque, quæ illius sunt, percipere, quoniā illorum omniū est incapax, vt ex iam dictis, & allegatis apparet, & inferius dicendis semper magis apparebit. Quæ autem, & qualia ipsius sint principia, motus, & actus mentis, quatenus ad præsentem attinet tractatum, in præcedentibus capitulis iam dictum fuit: quæ autem, & qualia carnis, breuiter dicitur, quātum ipsa necessitas requireret, quia de ijs abundè in tertia nostra quæstione actum fuit, ideo ad eam, quoties occasio suaderet, habeatur relatio. In omni igitur carne, & consequenter etiam in carne humani nostri corporis interna à natura ingenita inest vis, & potentia venerearum appetitiua voluptatum, tanquam internum eius tum essendi, tum agendi, ac in eadem se conseruandi natura principium, sine qua, seu quo ipsa nec caro esse, nec ea, quæ carnis sunt, appetere, & agere, neq;

D

per

per successiva à se genita individua in eadem se posset conferuare natura : quæ potentia , & vis , etsi non proprio , respectivo tamen vocatur nomine carnis voluntas , quasi ea , quæ suæ sunt , naturæ in ipsius viribus appetens , & requirens naturæ , quod ipsamet vult natura , & ipsa velit , & appetat , quæ alijs propriis nominibus carnis dicitur appetitio , concupiscentia , & stimulus , eo quia præfatas appetat , & concupiscat voluptates , & ad eas capeffendas , & degustandas interna stimuletur cupidine , stimulata , dum ab ipsa non prohibeatur prudentia mentis , eas etiam capeffat , & actu degustet : degustans ijs tanquam summa sua perfruatur felicitate , *Iac. c. 1. nu. 14. & 15. Apost. ad Eph. c. 2. nu. 3. 2. ad Cor. c. 12. nu. 7. ad Rom. c. 7. nu. 23. & 25. c. 8. num. 13. ad Gal. c. 5. nu. 16. & 17.* ex necessario autem antecedenti in hac eadem vi , & potentia carnis à natura sensibilis ingenita fuerit , oportet , notio earundem carnis voluptatum , bonorumq; eius omnium sic , vt supra , appetendorum , atq; ipsorummet obiectorum , ex quibus illa educi , & hauriri queunt , nam , si illa nulla omnino perciperet , percipereq; posset cognitione , non solum eius inutilis , & frustratoria redderetur appetitio , sed & prædictorum omnis eius indagatio , ac omnes ex ea omnino qui posset effluere actus , quomodo enim ea , quæ carni placent , ac sunt bona facto appeteret , indagaret , & potiri affectaret , si quæ ista essent appetenda , indaganda , & actu obtinenda bona illi omnino ignota essent ? necesse est ergo , vt huiusmodi appetitiua virtus naturalem in se præfatorum omnium notionem habeat , ea vt appetere , indagare , & facto capeffere valeat , quia ad penitus ignota nulla inhiat appetitio , illi ideo si hæc omnino ignota manerent , illa etiam immobilis , atq; immota maneret , manens , tanquam mortua iaceret , iacens foret , tanquam non esset . Hæc autem notio , etsi improprio vocabulo ad mentis forsitan æmulationem sapiëntia dicitur carnis , quia ea quæ carnis sunt , sapit , ac sensibili solertissimè percipit notione , nam quatenus talis acrior , ac sollicitior esse nulla potest , vt ex ijs , quæ ipsi contigerunt *Lot Gen. c. 12. nu. 31. & seqq.* manifestè depræhendi potest . Hæc autem carnis sapientia cum ea tantummodo , quæ ipsius sunt carnis , & mundi , & in mundo sunt , sapiat , sapereq; valeat , quoniam , quæ supra suam sunt naturam , atq; limites speciei suæ , intra quos à Deo constituta fuit , scire , & supra eos , & eam transcendere non valeat , ideo ea , nostræ humanæ quæ sunt mentis , vel Dei , noscat , & operetur impossibile est , alias , quæ , & qualis re ipsa est , non esset , sed alterius superioris speciei , quod similiter impossibile esset , illa propterea Deo inimica esse dicitur , & est ve-

rè,

re, eius nec legi penitus subiecta est, esse non potest. *Apost. ad Rom. c. 8. nu. 5. 7. & 8. c. 7. nu. 7. 14. 23. & 25. P. ad Cor. c. 2. nu. 9. 11. 13. 2. ad Eosd. c. 3. nu. 17. Mat. c. 16. nu. 23. Mar. c. 8. nu. 33. Io. 1. c. 2. nu. 15. & 16.*

Caro ergo a præfata concupiscentia sensibili hac prædita cognitione, vnico tanquam illius agendi principio ad venereas has incita voluptates intra se naturales suos à se emittendos præconcepit actus, qui cum Deo, eiusque diuinæ aduersentur, & contrarij, & inimici sint legi, homini quoque qui Deo subditus est, ac eius diuinæ subiacer legi, secundum; illius debet præscriptum viuere, sint peccata, consequens est, illos ergo intra se tanquam emittendos præconcupiens, consequenter peccata intra se concipere dicitur, à se verò cum factomet ipso iam emissa fuerint, & actu consummata generant mortem, quia re per carnem peccamus, & per peccatum morimur, propterea actum carnis consummatio, quæ prudentia carnis dicitur, promiscuè etià peccatum, & mors dicitur, quia peccatum re generat mortem, *Ecccl. c. 17. nu. 30. Iac. c. 1. nu. 15. & 16. Gen. c. 4. nu. 7. Apost. ad Rom. c. 7. nu. 17. & 20. c. 8. nu. 6. 7. 8. & 13. concupiscentia similiter carnis promiscuè stimulus appellatur peccati, & mortis, quia causa causæ dicitur etiam esse causa caulati, cumque illa ad peccandum nos stimulet, vt faciunt angeli satanæ, angelus & illa dicitur satanæ, Apost. 1. ad Cor. c. 15. nu. 56. & 2. ad Eosdem c. 12. nu. 7. ad Rom. c. 6. nu. 23. Mat. c. 16. nu. 23.*

Progressiua verò illa incentiuorum, motuum, processuorumque actuum omnium potentia dictæ carnis series, & effluxus ab eorum exordio, usque ad illorum perfectam absolutionem cum sit re vera norma quædam à natura certis ordinata, & disposita ingenitis operandi modis, quorum medio suas omnes caro absoluit operationes, ipsa propter hoc lex dicitur carnis, quoniam vniuersæ carni à natura pro generis ipsius fuit assignata lege, cuius infallibili ductu caro ad consummationem omnes suas perducit operationes, *Apost. ad Rom. d. c. 7. nu. 23. quæ cum sint merè sensuales, & soli deseruiant carni, mundo, & his, quæ in mundo sunt, & nequius nequidquam inueniri possit, quam quod ipsa excogitauerit caro, mundusque totus in maligno positus sit, & in eo quæ sunt, cuncta sint vanitas, carnis, & oculorum concupiscentia, & superbia vitæ, Ecccl. c. 17. nu. 30. Gen. c. 8. nu. 21. Eccles. c. 12. nu. 8. Io. 1. c. 5. nu. 18. c. 2. nu. 16. Deusque vt superius dictum fuit, sit spiritus, cui quod præstandum est seruitutis obsequium, in spiritu etiam, & veritate ei præstetur, necesse sit, quoniam spiritualibus spiritualia comparantur, sicut & carnalia carnalibus, Io. c. 4. num. 23. & 24. Apost. 1. ad Cor. c. 2.*

nu. 13. & 14. & 2. ad Eosdem c. 3. nu. 17. ad Rom. c. 7. num. 23. & 25. c. 8. num. 5. 6. 7. 8. & 13. & 14.

Hinc patet, quod lege mentis, quæ & spiritualis est, & consilio, & ratione constat, Deo, & iustitiæ seruimus: lege verò carnis, quæ carnalis est, & ratione, & consilio caret, non Deo, quoniam ea, illius quæ sunt, non percipit, eius nec legi subiecta est, esse nec potest, sed ipsi carni, mundo, & Satanæ seruimus, *Apost. d. ad Rom. c. 7. nu. 23. & 25. c. 8. nu. 5. 6. 7. 8. & 13. & c. 13. nu. 14. P. ad Cor. c. 2. nu. 9. 11. 14. 2. ad eosdem c. 12. nu. 7. Ad Eph. c. 2. nu. 3. Pet. p. c. 2. nu. 11.*

Ista igitur mentis, & carnis correspondentiæ agendi principia, cum ad inuidiā vicissim agere, & viuere contendunt, & eorum agendi, & viuendi leges, actus, & vita sint sibi ipsis exaduerso contraria, *Iac. c. 4. num. 5. Apost. ad Gal. d. c. 5. 17. 24. & ferè per totum, ad Rom. d. c. 7. nu. 23. & 25. c. 8. nu. 5. 6. 7. 8. & 13. P. ad Cor. c. 2. nu. 9. 11. 13. & 14. Ad eosdem 2. c. 12. nu. 7. ad Eph. c. 2. nu. 3. ad Colos. c. 3. nu. 5. & passim per vniuersa scripturæ loca,* eorum, inquam, vnumquodq; contendit, & concupiscit ad alterius inuidiam, vt secundum suam priuatam agat, & viuat formalitatem, & naturam, quia viuens omne ab ipsa mouetur natura in proprijs ingenita principijs, vt secundum se re agat, & viuat, quoniam ipsum viuere sibi ipsis præcipuum est bonum, quod aliorum est bonorum principium, & fundamentum, consequenter etiam vnaquæq; istarum substantiarum simul, & eodem tempore secundū priuatam suam agat, & viuat formalitatem, & naturam impossibile est, non solum quia, si ita re fieret, sequeretur, quod nostrum non vnum tantum esset formatum, vt superius affirmatum est, & sacræ tenent scripturæ, sed duo sibi simul coherentia, se seq; perpetuò lacessentia, & destruentia, quod maximum esset absurdum, & contrarium ipsi vnitati formati, quæ suæ semper cōsulit indiuiduitati, cuius est amica semper, vt ergo vnum tantum sint, alterius etiam vna tantum ex dictis substantijs secundum se agat, & viuat, oportet, idq; nec aliter fieri posse ipsa manifestat impossibilitas, nam si præfatarum substantiarum, vt superius dictum est, præcipuæ leges, actus, & vita sibi ipsis sunt exaduerso contraria, & contraria se se perpetuò impugnant, & inuicem tollunt, *Eccl. c. 3. nu. 15. Apost. ad Gal. d. c. 5. nu. 16. & seq. Ad Rom. d. c. 8. nu. 5. 6. 7. 8. & 13.* consequenter actus, & vita vnius tollat actus, & vitam alterius oportet, tollens: vnius vita sit mors alterius, consequens est, sicut ergo quis simul non potest esse viuus, & mortuus, sic effectualiter non possunt priuata opera, & vita carnis, & spiritus esse simul, quia, vt dictum est, vnius vita, alterius est mors,

mors, & è contrà, & contraria si se inuicem tollunt, sublata non existant, oportet, idq; etiam ipsa manifestatur ratione: nam si cum veritate dicimus, quod actus à potentia educti, ipsam constituunt formalitatem, cum illa nil aliud sit, quam ipsa exuscitatio actuum à propria potentia: omnibus consequenter ab alterutra istarum substantiarum potentia proprijs, ac priuatis sepositis actibus, sine quibus eius vita esse non potest, cum nil aliud sit vita, ipsum quam vivere, quod ipsemet est actus viuendi: substantia consequenter illa, à qua omnes suæ exciderint formalitatis actus, mortua sit consequens est, quia mors nil aliud est, ipse quam transitus ab esse formali ad non esse formale, nam quemadmodum ipsius actualis exuscitatio potentiae ad actum ipse est formalitatis ingressus, à quo formatum formale suum recipit esse, sic per illius desertionem desinat esse consequens est, alias sine suo esse formali posset esse formatum, quod impossibile est, à propria ergo excidens formalitate mortua sit, consequens est, quia priuatio, vel mutatio ipsius formalitatis ipsius est peremptio substantiae, quæ sua remanet expoliata formalitate, *d.l. Iulianus exuli, ff. ad exhib.* Idèò, sicut qui à suæ desijt actibus carnis, in sua non amplius dicitur esse carne, sed suum emortuum habere corpus, licet anima eius à suo nondum migrauerit corpore, eo quia à carnis suæ desijt formalitate, *Ezech. cap. 18. num. 9. Apost. ad Rom. c. 8. nu. 7. & 10. Ad Colos. c. 3. num. 9.* sic erit per inualefcentiam prædominii carnis nostræ super animam nostram rationalem, si ab omnibus deserit actibus formalitatis suæ, vt inferius suo loco dicetur.

Verum, quo magis per huiusmodi nobis liquidius hæc constare, ac manifestiora fieri probamus, ea tantò magis, quæ superius affirmata fuerunt, ex ijsq; quæ consequuntur obscuriora reddi conspiciamus, ita vt cogitantis animus penitus suspensus maneat, ac manere cogatur, quæ videlicet ratione, & via in hoc humano dumtaxat formato caro, vicem in eo quæ obtinet materiæ, menti, vicem in eo quæ obtinet formæ, præualere valeat, præualens ei superesse, atquæ dominari, cum hoc à cæteris alijs præternaturaliter ei videatur cōtingere formati, quorum vnumquodq; à propria illorum forma, eorum tanquam motrici principio mouetur, regitur, ac gubernatur, sic autem motum rectum, ac gubernatum secundum illa vlla absq; contradictione, cunctatione, & mora operetur, & viuat, quia etsi primo intuitu huiusmodi ardua, & indissolubilis esse videatur difficultas, ab eodem tamen principio, à quo descendit, omnimodam, suauem, ac facilem recipit solutionem. Nam, si adherentes cum veritate dicimus, quod suum suo dat esse forma for:

formato, & mentis esse, nostri quæ est forma formati, liberum, & voluntarium est, liberum quoq; & voluntarium hoc suo communicans esse formato ab omni illud præcisa eximens operandi necessitate, ita liberum reddit, vt in sui alterutram, quam maluerit, queat inclinare partem, ad alterutram autem quam inclinauerit, in semet ipsum semper inclinasse videbitur, quia vnitas omnis sibi met ipsi necessitudine, & natura est perpetuò coniuncta, & amica, a se ipsaq; vtrò inseparabilis. *Apost. ad Eph. c. 5. num. 29.* Hac autem sic euacuata difficultate, ac demonstrato, quod caro nostra nostræ verè valeat prædominari menti: reliquum est modò, vt ea, quæ superius à nobis affirmata fuerunt, sint vera, concludenti aliqua manifestemus demonstratione: Quod, videlicet, homo ille, cuius menti eius præualuerit, ac prædominetur caro, non sit homo ille, qui verè esse debet, quia, et si ad hoc Apostoli, aliorumque grauissimorum vrgeat auctoritas virorum asserentium: Quod non caro, sed mens cuiusq; verè sit homo quisque: & quod in hoc a Deo factus fuerit homo verè, vt mens illius eius dominetur carni, non autem è contra, vt caro dominetur menti, *Gen. d. c. 4. nu. 7.* per hoc tamen non tollitur, quin mens nostra, nostri quæ est forma compositi, à quæ nostri & haurimus, & retinemus essendi, agendi, & conseruandi principia, in hac nostræ perpetuò maneat carnis, ac sensibilis corporis vnitate, dum in hoc spirantes cōmoramur sæculo, *Gen. d. c. 2. nu. 7. Sap. c. 15. nu. 11. Io. c. 6. nu. 64.* manens autem per eam quoq; homines verè simus, consequens esse videtur. Quia obiectioni huic respondentes dicimus: Quod, licet ex prædominio carnis intellectiua re ipsa non maneamus priuati substantia, eo quod adhuc in humano hoc nostro perseueret composito, quousq; in hoc mundo expirantes viuimus, cum tamen actus à duabus his emergentes substantijs sint sibi mutuò, vt dictum est, exaduerso contrarij, seseq; inuicem oppugnent, & vicissim tollât: hinc est, quod carne in composito hoc prædominante, actibusq; proprijs ex aduerso ipsis insultante, atq; oppugnanter actibus mētis, istius sic in eodē succumbentis cōposito suppressi, & impediti maneāt actus, consequens est, sicut ab ijs illa cum veritate desijisse affirmamus, à propria sic desijisse formalitate negare non possumus, quia cuiusque formalitas viuētis ipsa est educatio actus à propria illius potentia, a qua eos educere desinens, à propria quoq; illa desierit formalitate, consequens est, quia dum in se ipsa caret, alteri illam communice, vtq; fieri non potest, quia dare nemo potest, quod ipse actu non habet, quam nobis veritatem volens manifestare Dominus noster, *Mat. d. c. 15. nu. 16.* discipulis suis eius actu

ser:

sermone non intelligentibus, sic ait: *Vos adhuc sine intellectu estis*, quia formaliter non est intellectus ille verè, qui actualiter nō intelligit, quia dictus intellectus dicitur ab ipso intelligendi actu, ut superius demonstratum fuit, in propriam ergo, si non se ipsum euehit formalitatem, alterum quomodo secum in unitate manentem in eam euehit? Introducitur propterea Dominus *Psal. 13. nu. 2.* de cælo prospicere, ut videret, si homo esset intelligens ullus, & videns, quod non: *Psal. 48. nu. 13. & 21.* ait: *Quod hi propter hoc comparati fuerunt iumentis insipientibus, & similes facti fuerunt illis*, qui enim intellectus non vitur actu, in eius operibus vitæ ipso quid amplius habet iumento? *Eccles. c. 3. nu. 19.* formalitate propterea actu carentes intellectus puros se præbeant animales, consequens est, quia hac sola a cæteris distinguimur animantibus differentia, homo propter hoc ab ipso ratiocinandi actu, nostræ qui rectus est formalitatis actus, nuncupatus fuit animal rationale, ab hoc cōsequenter animale rationali ipso vfu rationalitatis actu amoto, purum sapiat animal, consequens est, a qua ut caueremus labe nos præmonens Deus dicto *Psal. 31. nu. 9.* ait: *Nolite fieri sicut equus, & mulus, quibus non est intellectus*, ita enim fieri si non valuisset, vtrique hoc nobis non dixisset Deus; quia mentitur nunquam, frustra nec loquitur, quoniam sermo eius omnis est veritas, *Num. c. 23. n. 19. Isa. c. 45. nu. 19. Io. c. 17. nu. 17.* in hac propter hoc, qui incidissent labein, ne de eorum desperarent salute, per *Propb. Psal. 37. nu. 7.* eis præannunciari voluit: Quod Deus ex infinita eius miseratione non solum homines, sed & iumenta saluaturus esset, quod de brutis vtrique; intelligendum non est, quoniam æternæ sunt incapacia salutis, sed de hominibus sic, ut supra, ob eorum prædominium carnis iumentis factis, iuxta tradita ab *Apost. p. ad Cor. c. 9. nu. 9. & 10.*

Huiusmodi propterea homines ad differentiam eorum, qui secundum veram, & rectam humanæ naturæ nostræ formalitatem viuunt, & operantur, ad eruditionem nostram in sacris chartis, sub varijs, & diuersis tum in genere, tum in specie nobis representantur brutorū nominibus, prout feris eorum magis videntur assimilari naturis, ad hoc ut abiecta eorum horrescentes nomina, ab eorum quoque feris, & irrationabilibus se abstinerent operibus: nam ab *Apostolo ad Rom. c. 8. nu. 8.* modò sub generica carnis natura dicuntur esse secundum carnem, quia in humano eorum composito ipsa prædominatur caro, ex cuius genere omnia constant animantia terræ. Nam mente in composito nostro se carni volūtariè subiugante tunc caro, quæ in eo vti obediens materia antea morabatur, modo vti agens forma a priuata eius potentia incipiens natura-

les

les suos posse producere actus, consequenter etiam in aliquam, prout caro est, se cūhere formalitatem alicuius speciei animantis similem, secundum quam agendo eius dicitur referre similitudinem, prout vel à propria est magis disposita natura, vel à priuata sua magis propellitur propensione potentiae, vel ab aliquo assueo rapitur habitu, idq; tanto efficacius ab ipsius mentis adiuta famulatu: nam ex componentibus partibus pars illa, quæ in nostro ab altera viſta fuerit composito illius efficitur serua. *Pet. 2. c. 2. nu. 19. Apost. ad Rom. c. 6. nu. 16.* quæ autem seruit, sui libertatem non habet, sed illa, quæ sibi dominatur, que verò seruit, sibi dominanti famulatum præstet, oportet, quoniam huiusmodi est forma seruitutis, & dominij, *l. 1. C. de ser. fug. Apost. d. ad Rom. c. 6. num. 16. & 20. Io. c. 8. nu. 34.* Modò animales appellantur *Apost. 1. ad Cor. c. 2. nu. 14.* quia non secundum ipsam mentis naturam, quæ rationalis est, sed secundum cæterorum animantium naturam, quæ irrationalis est, viuunt, propterea animales appellantur, & appellari merentur. Modò canes insatiabiles, quia inter cætera animalia magis canibus assimilantur, quia cibo explentur nunquam, & nunquam contra proximos latrare factò desinant, *Isa. c. 56. nu. 10. & 11. Psal. 21. nu. 17.* Modò equi emissarij ob indomitam eorum libidinem, *Ier. c. 5. nu. 8.* Modò Lupi, quia rapiunt prædam ad effundendum sanguinem, *Ezech. c. 22. nu. 27. Mich. c. 3. nu. 11. Soph. c. 3. nu. 3.* Modò irrationabilia pecora, quia pecudum more solo deferuiunt sensui, *Pet. 2. c. 2. nu. 12.* Modò equi, & muli sine intellectu, quia tantum ab usu (vt ita dicamus) intellectus absunt, quantum muli, & equi à potentia intellectuali, *Psal. 31. nu. 9. Psal. 35. nu. 4.* Modò animalia muta, quasi spiritu omnimodò careant, *Iud. sua vnica nu. 10. & 19.*

Huiusmodi enim brutorum imitantes opera vitæ, illis similes effecti esse dicuntur, quia similitudo verè in ipso consistit opere vitæ, *Bar. c. 6. nu. 4. Sap. c. 2. nu. 12. & 15.* ipsorum sic nominibus appellari merentur, quia nomina ipsis correspondere debent rerum formalitatibus, *Gen. c. 2. nu. 20.* quæ omnia miserabiliter nimis, & olim actu pratico euenisse legimus, & hisce etiam nostris miserabiliter euenire conspiciamus temporibus, in quibus Christum Redemptorem nostrum agnoscetes, & confitentes longius ab huiusmodi abesse deberemus; nam, suæ qui se subiecerunt dominio carnis, in aliquam etiam sunt regulariter prolapsi irrationalem speciei alicuius animantis operationem, prout à suæ nequitia rapti fuere carnis, quam sequentes ei etiam se similes in factis illorum exhibuerunt, nam Alij Ceruorum more tanta exarserunt libidine, vt insatiabiles visi sint: Alij rapacitates fallaces Vulpiû dolo, & fraude

de exuperarunt: Alij Hyrcanarum Tygrium feritatem crudelitate vicerunt: Alij effraenis alijs antecere belluarum cupiditatibus, prout ab eorum dominante fuerunt inciti carne, ex quibus satis concluderet apparet, quod hoc nostrum carnis figmentum in humano hoc composito nostro menti nostræ prædominans appositum est omnis similitudinis animantium subiectum, nam in eo dum vti materia caro, vt conuenit, perseverat, in eo etiam tanquam genus interuenit, quia materia non se ipsam in aliquam euehit speciem, sed a sua specificatur forma, (specificata conseruatur, quousq; præfata forma in dicto prædominetur composito, & suam retineat formalitatem: Cum verò caro menti prædominari incipit, illa tunc vim assumens formæ, se tanquam olim materiam specificat iuxta naturam differentię illius, in quam à stimulo nequitie suæ raptā primum offenderit, nam quemadmodum aliqua generi accedente differentia noua semper in natura constituitur species, sic carni nostræ olim tanquam generi in nobis existenti, si postea mentis nostræ obtinenti prædominium naturalis alicuius speciei animantis adhæserit differentia, eueniet, & tunc homo dicitur destruere, quod *Deus ipse perfecerat*, *Psal. 10. nu. 4.* nam quando Deus hominem constituit, ordinauit, vt mens carni dominaretur, cum verò hanc nos peruerimus operationem, dicimur destruere, quod Deus ipse perfecerat, & destruimus verè.

Quod arcanum mysterium, quoniam est altissimæ perferutationis, ante oculos nobis voluit proponere Deus in persona Nabuchodonosor Regis Babylonis, vt contemplata Maiestate tam magni Regis, eius vastitate imperij, & deplorabili ei superueniente calamitate in augesuarum felicitatum, attestata ab irrefragabili sacrarum literarum veritate, qui in medio aulæ suæ regię repente in vilem, & horridam fuit conuersus belluam, ob cuius toruum, & horrescentem aspectum confestim ab hominibus ab aula, & vrbe eiectus fuit; ipse autem à naturali instinctu speciei belluę illius, in quam versus fuerat delatus syluas petijt, antra coluit, & fœnum comedit vsquequo spatium septem completetur annorum in sui pœnam delicti, *Dan. c. 4. nu. 28. & seqq.* vt ab hac nobis nota facta veritate, & tanti territi exemplo viri nostrum diligentius curaremus seruare mentis principatum, ne illum indignè abijciantes illius liberalissimo datori nosmet ingratos reddentes, & in illum, & in nosmet ipsos grauiter peccaremus, peccantes pœnas lueremus, nam in eo, in quo quis peccat à Domino corripitur, *Sap. c. 11. nu. 17.*

Mentem enim, nostri quæ nobilior est pars cōpositi, per cuius vsum

E

homo

homo in sui fuit à Deo cōstitutus principatus throno, & consequenter in sublimi, & magno honore, suæ dominio infrunitè subiiciens carnis, suam tanquam voluntariè naturalem abijciens formalitatem, vt communem cum bestiis viueret vitam, meritò in sui poenam delicti *comparratus fuit iumentis insipientibus, & similis est factus illis, d. Psal. 48. nu. 13. & 21.* nam, si ex prædominio carnis super mentem nostram prævalente ab ipsa nosmet elongamus rationalitate, à qua, tanquam differentia, humana nostra species à cæteris animantium distinguitur, & separatur speciebus, & ad irrationalitatem, ex qua species cæterorum constant animantium accedentes re animaliter viuimus, propriam vtique formalitatem à qualiter mutasse dicendi sumus, & mutamus verè, quia formalitas, vt superius dictum fuit, nil aliud est, quam ipsa naturalium actuum à recta, & propria potentia cuiusq; speciei viuientium educio, a qua non educitis, ea etiam tanquam mutata huiusmodi viuens interiisse dicitur, sic & nos etiam interiisse dicendi erimus, *d. Iulianus §. si quis ff. ad exhib. nam si formalitas, à qua res omnis formale suum recipit esse, actum mutetur, res cōsequenter illa, quæ prius in individuo erat, non sit amplius, consequens est, si ita: etiam interempta sit, ipsa exquirat ratio, quod a sacrarum quoq; Scripturarum sensu non est alienum Domino, Ezech. c. 17. nu. 32. dicente: Nolo mortem per peccatum morientis, quia peccatum verè est mors. Apost. ad Rom. d. c. 8. nu. 6. & 7. Et Gen. c. 2. nu. 17. Adæ dicente: In quacumq; die de eo comederis, morte morieris. & Mat. c. 8. nu. 22. & Luc. c. 9. nu. 60. dicente: Sine, vt mortui sepeliant mortuos suos, tu me sequere. & Apost. ad Rom. c. 8. nu. 13. ait: Si secundum carnem vixeritis, moriemini, quia verè per carnem peccamus, & per peccatum morimur. Si autem mortui sunt, qui etiam, & qualis erant prius, non sint amplius, consequens est, immò per huiusmodi humanæ amissionem formalitatis, ipsorum ad nihilum vera deducta humanitate iam nihil esse à sacris dicuntur literis, Esai. c. 14. nu. 11. Apost. p. ad Cor. c. p. nu. 28. & ad Rom. c. 4. nu. 17. non quia nihil omninò sint, sed quia per huiusmodi prædominium carnis, & cum mentis principatum, & eam rectam viuendi, & agendi formalitatem, quam pro nostra nobis gratis, tradidit Deus salute, & gloria, indignè abiecerint, quo, & qua abiectis, quod ad perfectum in nobis deduxerat Deus, eorum dicuntur destruxisse culpa, & ingratitude, d. Psal. 10. nu. 4. & iam veri homines, qui prius fuerant, non sint amplius, nec liberi, sed animales homines, & serui peccati, Io. c. 8. nu. 34. Apost. ad Rom. c. 6. nu. 16. 17. & 20. P. ad Cor. c. 2. nu. 14. Pet. 2. c. 2. num. 19. cui qui seruiunt, in tenebris ambulant, & nesciunt quò vadant, vel*

rituri

ruiturifint. *Eccles. c. 2. nu. 13. & 14. Sap. c. p. nu. 4. & 5. Eccles. c. 4. nu. 22. c. 6. nu. 4. c. 10. nu. 16. c. 23. nu. 3. Psal. 81. nu. 5. Isac. c. 24. nu. 6. Io. c. 12. num. 35. c. 3. nu. 19. & suap. c. p. nu. 6. Prou. c. 4. nu. 19. c. 5. nu. 12. & 23. c. 6. nu. 32. c. 24. nu. 20. sed forsitan quis obijciendo dicet: Nonne omnes homines luminis sunt participes intellectus? Vtiq; sunt, *Iob. c. 12. nu. 2. c. 13. num. 2. c. 21. nu. 29.**

Sed ab eo nos etiam, scilicet, hoc replicando exquirimus: Nonne lucerna in cubiculo accensa eos illuminat omnes, in eo qui sunt? equidem: eam tamen si quis sub modio posuerit, eorum nulli, in cubiculo illo qui erunt, elucebit lumen eius, *Mat. c. 5. nu. 15. Mar. c. 4. nu. 21. Luc. c. 8. nu. 16. c. 10. nu. 33. ita, suæ suum qui supposuerit carni intellectum, ei non elucebit lumen eius, quia obæcauit eum malitia carnis eius, & tenebræ eius conculcant eum, Sap. c. 2. nu. 11. Prou. d. c. 4. nu. 19. Idcirco Reg. Proph. sub figura hominis iam suæ subiugati carni, Psal. 39. nu. 13. ait: Iniquitates meæ, quæ tenebræ sunt in carne mea habitantes, Apost. ad Rom. c. 7. nu. 17. & 20. Prou. c. 24. num. 8. & 9. comprehenderunt me, id est cooperuerunt oculos meos, & non potui, ut viderem, quæ videre debebam, etsi ergo spiritus noster intellectuius nostræ sit proprium humanitatis lumen, illum qui sub modio suæ supposuerit carnis, quæ non percipit ea, quæ spiritus sunt, in eius utique lumine ea videre non poterit, quia dominans caro illarum est incapax: intellectusq; seruient suæ non est dominus libertatis, sed caro ei prædominans, d. l. 1. C. de ser. fug. Apost. d. ad Rom. c. 6. nu. 16. & 20. Io. c. 8. nu. 34. Pet. 2. c. 2. nu. 19. dum idcirco sub illius manet seruitutis iugo, ita deliciarum illius est agglutinat visco, ut ab eo se iam non exsolui posse putet, & quasi in labyrinthi inextricabilibus constitutus vijs, quod semitam egrediendi inueniat, non inuenit, fascinatio enim nugationum prædominantis carnis vera obscuratio, & concupiscentia illius rectum transuertit sensum, malitiaq; illius peruertit intellectum, & fictio ipsam decipit animam, delicias enim carnis qui sibi pro fine, & felicitate proponit, ab eo etiam sua existimantur vira, hinc est, quod ei quæcumq; huic occurrerint detrahentia fini, & felicitati, suæ etiam tanquam contraria, ac nocua vitæ ab eo veluti ex naturæ instinctu habitu comparato, vlla absq; propulsentur cunctatione, & reflexione quæ, & qualia sint, quæ agit, quoniam ori suo sunt dulce malum, *Ier. c. 31. nu. 22. c. 13. nu. 23. Sap. c. 4. nu. 11. & 12. Prou. c. 7. nu. 25. 26. & 27. c. 9. nu. 17. & 18. Iob. c. 20. nu. 12. 13. & 14.**

Humana enim mens in hac vilissima, ac miserrima detenta carnis seruitute omnino vilescit, & a propria degenerat nobilitate naturæ,

nam illa non modo carni indignè famulari non dedignatur, sed eius tanquam pedisequa profusus, ac decet, eam enutrit, expolit, lustrat, ornat, odorat, colorat, cincinnat, ei blanditur, lenocinatur, ac etiam ad sensus illius concinnare dolos, facinora moliri non erubescit, immò illius scurra facta in conuitijs ridet peccati, exultat in malis, nec memoratur, quod, talia qui agunt, digni sunt morte, & tãdem fit mens amens, nam sui penitus oblita, quasi euanescebat in ipsam se transformauerit carnem, carnem esse amat, & ambit, & in delicijs illius vitam se habere credens, iam nil vltius quærit, quã quod in carne habitat, peccatum, eo quia proprio posthabito lumine sapientia carnis sit facta lumen eius, & prudentia carnis, prudentia eius, *Prou. c. 10. nu. 23. c. 21. nu. 4. 8. & 29. c. 24. nu. 9. & 20. Eccl. c. 11. nu. 16. c. 23. nu. 3. Sap. c. 1. nu. 4. & 5. Apost. ad Rom. c. 1. nu. 32. c. 8. nu. 5. 6. 7.* & alijs superius allegatis, de quo nos præmonitos esse volens Dominus, *Mat. c. 6. num. 23.* ait: *Vide, quod lumen, quod est in te, non sint tenebræ, hoc est, vide, ne tuæ ducaris appetitione carnis, cuius sapientia Deo est inimica, & eius prudentia est peccatum, & consequenter tenebræ: si ergo peccata sunt tenebræ, ipsæ tenebræ quantæ erunt? nam, si in sapientia, & prudentia carnis qui agit, semper diuinæ contrafacit legi, & peccat, & quodlibet peccatum est tenebra, huiusmodi tenebræ multiplicatæ quantæ erunt? ecce ergo, quod carnem qui sectatur verò veritatis relicto lumine peccatum, quod est tenebra, sit lumen eius, quoniam tenebræ verum nequeunt comprehendere lumen, quoniam luminis sunt priuatio, carni ergo, qui seruiunt vera sapientia, prudentia, & lumine priuati sunt. Sed rursus forsitan quis dicet: quomodo carni qui seruiunt, non sunt sapientes, solertes, & prudentes, si hoc attestatur Dominus, *Luc. c. 16. n. 8.* dicens: *Et laudauit villicum iniquitatis, quia prudenter fecisset: quia filij huius sæculi prudentiores filijs lucis in generatione sua sunt, & eiusdem, Luc. c. 18. n. 6. & 7.* exhibi præmissis inferens ait: *Si ergo iudex iniquitatis viduam ab aduersario suo vindicauit, ob instantias illius, cur non vindicabit Deus electos suos ad se die, ac nocte clamantes? sicut & in alijs quam plurimis scripturæ locis, vltra ipsos experientiæ actus præcticos, quibus contradic nullo modo posse videtur. Respondentes dicimus: Quod Villicus etsi actum prudentiæ exercuisse videatur: Iudex iustitiæ: cum tamen primus id fecerit iniquis finibus, & fraudulentis medijs, vt ibi manifeste patet: secundus non Dei, vel iustitiæ timore, amore, vel gratia, sed ne in suo pulsaretur syndacatu: neutrius actus ideo tribuendi sunt veræ prudentiæ, vel iustitiæ, quia veri virtutis actus eiusdem virtutis amore sunt,**

medijs

medijs licitis, & honestis, & in bonum finem. *Exod. c. 22. nu. 10. Reg. 1. c. 22. nu. 11. Sap. c. 6. nu. 2. vsq. ad 6. Eccl. c. 4. nu. 10.* propterea, *Sap. d. c. 6. num. 11.* scriptum est: *Quod, qui iusta iuste custodierit, iustificabitur.* Nam & Publicanus, & Phariseus in templo orarunt ambo, vnus tamen ex ijs indè iustificatus discessit, alter non. *Luc. d. c. 18. num. 10. 11. 12. 13. & 14.* quia vnus benè, alius malè orauit: bona ergo benè, & in bonum sunt operanda finem, *Iac. c. 4. num. 3.*

Quod autem actu pratico nobis videantur esse sapientes, solertes, & prudentes: responderi potest: quod cum eorum sapientia, solertia, & prudentia à necessarijs dictarum virtutum deficiant requisitis, ideò non vera, non recta, sed iniqua eorum est dicenda sapientia, solertia, & prudentia, *Eccl. c. 19. nu. 22.* nam solers, sapiens, & prudens ad concinnanda mala in conspectu Dei, non solers, sed vecors: non sapiens, sed insipiens: non prudens, sed stultus esse dicitur, *Ier. c. 4. nu. 22.* quia verè non est sapientia nequitia disciplina, neq; cogitatus peccatorum prudentia, *Eccl. d. c. 19. nu. 19. Apost. ad Rom. c. 8. nu. 7.* Nam, si nequius nequidquam potest excogitari, quam quod ipsa excogitat caro, *Eccl. c. 17. nu. 30.* qui secundum eam viuunt, quomodo bona cogitare: etsi Deo inimica est, quomodo de eo benè sentire poterunt? *Sap. c. 1. nu. 1. 3. Psal. 2. nu. 11.* etsi caro à cuius reguntur, & deducuntur appetitu omnium, quæ Dei sunt, est incapax, *Apost. 1. ad Cor. c. 2. nu. 14.* quomodo illa perficere poterit, si principium recti operis agendi ipsi est illius rectè agendi præcognitio certa: d. *Psal. 2. nu. 11. & 12.* etsi eius sapientia Deo inimica est, & eius prudentia peccatum, & consequenter illius offensio, & ab eo separatio, & mors, *Apost. ad Rom. d. c. 8. nu. 6. 7. & 13. Isa. c. 59. nu. 2.* quomodo per eam eius diuinæ fient participes amicitia, salutis, & gratia? *Sap. c. 7. nu. 14. Psal. 118. nu. 155.* illorum ergo sapientia de sursum non est, nec vera sapientia, sed terrena, animalis, & diabolica, *Iac. c. 3. num. 15. Apost. 2. ad Cor. cap. 12. & 7.* Ideò in ignorantia tenebris perpetuò ambulantes semper magis offendunt, consequens est, *Io. c. 11. nu. 10. c. 12. nu. 35. Psal. 81. nu. 5. Apost. ad Eph. c. 4. nu. 17. 18. 19.* etsi non omnibus carni seruientibus hæc omnia contingant, id ex summa Dei prouenit misericordia, & gratia, quia tali sic cadenti suam dignatur supponere manum, & ille suo non collidatur casu, *Psal. 36. num. 24.* ceterum de eo sicut de ceteris actum esset, *Ier. d. c. 13. nu. 23. Isa. d. c. 24. nu. 6. 19. 20. Apost. ad Philip. c. 3. nu. 18. & 19.*

Si hæc ita sunt, illa nostrum contemnat nullus, nec in corde suo dicat: De huiusmodi euentibus mihi non timeo, quoniam sale & ego conditus sum: quia respondeo, quod prædominans caro sal omne insulsum red.

reddit: quis enim sale plus cōditus fuit, quam Salomon? 3. Reg. c. 3. nu.
 12. quis a Deo tam amanter de hac re commonitus fuit? quis de huius-
 modi eventibus sibi minus timuit? tamen in eos offendit, lapsus est, sa-
 pientiam dereliquit, & sibi, & posteris suis miserabile exitit
stultitia exemplum, Reg. 3. c. 11. nu. 4. 5. 6. 7. 8. 9. & 33.
 Eccl. c. 47. num. 21. & 22. Nam erit ille felix,
 quem fecerint aliena pericula
 cautum.

L A V S D E O.



In hoc secundo inuenta Tractatu.

Errata

Pagina 9. linea 28. neq;
 pag. 11. l. 25. alioquin
 pag. 16. l. 21. in propriam
 pag. 17. l. 6. is
 pag. 18. l. 9. existant
 pag. 19. l. 32. illius
 pag. 22. l. 34. connaturalis
 pag. 32. l. 17. explantur
 pag. 32. l. ult. insanuisse

Correcta

atq;
 alio, quam
 in proprium
 ea
 existunt
 illius
 connaturales
 expleantur
 insanivisse.

*V. Don Inuentius Tortus Cler. Reg. S. Pauli, Pœnitentiarius, pro
Eminentiss. & Reuerendiss. D. D Hieronymo Boncompagno
Bononiæ Archiepiscopo, & Principe.*

EX speciali mandato Reuerendiss. P. Inquisitoris Bononiæ De naturali humana formalitate nostra, &c. Tractatum Perillustris D. Dominici Tuschii accuratè perlegi, in quo cum nihil sacris literis dissonum compererim, quin immò mirè dispositos cœlestis doctrinæ radios opus typis dignissimum reor.

*Fr. Honorius ab Assumptione Carmelita Discalceatus Philosophiæ
Lector.*

Stante superscripta attestatione

Imprimatur.

*Fr. Paulus Hieronymus Giacconus de Garexio Sac. Theol. Mag.
Ord. Præd. Vicarius Generalis S. Officij Bononiæ.*